

Famia di hoben fayecido tin mas pregunta cu contesta



Pagina 3

- **Fundacion Alzheimer's Aruba ta sigui traha duro pa conscientisa comunidad**

Pagina 4

- **Gobierno a reuni cu ACCA riba mehora cooperacion cu consuladonan**

Pagina 6

- **Venezuela: Merca cu exigencia pa kita sancion pa Chevron opera**

Pagina 7

Historia di Savaneta presente den obra "Cacique Chakamaguay"



Pagina 2

Aumento den consumo ilegal di awa y coriente na Corsou



Pagina 8

Fiscalia di Guatemala ta pidi 30 aña di prison pa ex-presidente Otto Perez Molina



Pagina 10

Historia di Savaneta presente den obra “Cacique Chakamaguay”



Atelier's 89 cu apoyo di CEDE Aruba ta bin organisando e proyecto “Arte den Bario”, un proyecto duna den diferente disciplina dirigi pa muchanan. Diasabra awor ta bay presenta e obra di teatro “Cacique Chakamaguay”.

Arte den Bario tabata presente na districto di San Nicolas algun dia pasa cu e categoria visual y awor ta bay ta na Centro di Bario Savaneta. Ferdinand Franca, director di e obra teatral, ta bay presenta hunto cu 11 mucha mas cu e obra di teatro “Cacique Chakamaguay”.

Den un entrevista pa Bon Dia Aruba, Franca a expresa cu Arte den Bario ta un iniciativa cu ta presente den tur districto y cu ta gratis, muchanan no ta paga pa e lesnan. “E ta un proyecto cu tin e intencion di motiva y stimula muchanan pa drenta den mundo di arte den tur disciplina y pa nan cera conoci cune, pa nan sigui e caminda ey di baile of teatro den futuro. Esey ta e meta principal”, el a bisa.

Franca, kende ta docente di CKV, a declara cu e tin diploma pa traha cu muchanan di scol basico, secundario y scol special. Awor e ta duna les di arte na scolnan

secundario. Su persona tambe ta dirigi diferente proyecto y el a informa cu el a caba di haci un musical par di luna pasa. E ta un persona cu ta den diferente proyecto “pa asina ey rebiba mas tanto e teatro tambe. Manera nos ta wak no tin mucho teatro y mas tanto pa mucha.”

Esaki ta loke e ta bin trahando cune y cu su fundacion, cu te ainda no a wordo lanta, pero e ta den proceso pa proxima mente bira conoci. “Esey ta e intencion di loke ta Arte den Bario”, el a declara.

Di loke ta trata e obra “Cacique Chakamaguay”, cu e cual su persona y e muchanan a produci den un luna di tempo, cu ta e tempo cu e proyecto ta dura, el a bisa cu den e obra e ta hinca otro disciplina aden como musica y baile.

“Esaki ta un obra di un historia di Savaneta door cu ta tuma luga na Savaneta, mi a bay un tiki den historia.” Ademas, el a señala cu el a haya ayudo di Dufi Kock pa e parti di hechonan di historia, con indigenanan Caquetio a yega Aruba y con nan a topa cu Spañonan como Alonso de Ojeda. Tur loke ta forma parti di historia ta bay ta den e obra di teatro aki, manera el a sigura, cu no ta solamente pa

entretenimento sino tambe ta contribui na e parti educacional.

Di mesun manera, el a bisa cu e obra ta dura entre 20 pa 30 minuut y tin como actornan 11 mucha entre 7 pa 13 aña. Den dje ta menciona un parti di e origen di Aruba, cu indigenanan tabata yama “Ora Ubao” y na Spaño nan tabata yam’e “Ora Ubo” pa motibo cu tabatin oro – “hubo oro” na Spaño, pero awor no tin oro mas. “Pa pone esey den un tiki den contenido nobo y claro pa muchanan improvisa.” Ta p’esey cu nan a bay investiga con e famia tabata antes pa Franca hunto cu muchanan por a traha e obra di teatro aki.

E nomber di “Cacique Chakamaguay”, segun loke Franca a conta, a bin door di un persona cu ta yuda nan den Centro di Bario, kende a bisa na Franca cu antes tabatin un indjan cu tabata yama Chakamaguay. E nomber ey a keda den e mente di e persona aki, unda despues nan a dicidi di usa e nomber pa e protagonista di e obra pa motibo cu nan a haya e nomber bunita.

Chakamaguay ta bira e persona mas importante den historia, segun Franca a informa. El a bisa cu na e tempo ey di

indigenanan tabatin cacique, “dus ta bay tin cierto nomber como Bushiri, palabranan cu nos ta usa awendia cu nos no sa si a bin di indjan, cu ma pon’e pa asina yena e contenido di e obra.”



E historia ta bay mas tanto cu e cacique tabata un mucha homber di edad hoben cu ta bay lucha pa salba su famia, debi cu “nos tur sa cu Spaño a bin akinan pa hiba e indjannan preso, ban yam’e asina. E ora ey mi a haci un tiki mas bunita y no mucho cruel manera e historia por ta”, Franca a señala.

E obra di teatro ta bay tuma luga diasabra awor 22 di october na Centro di Bario di Savaneta, pero si otro barionan tin interes pa e obra aki por wordo presenta na otro centronan di bario Franca a bisa cu nan por haci’e tambe.

“A mi ta haya masha bunita mes, pa otro barionan tambe por haya e mesun obra”, Franca a indica.

E 11 mucha cu ta participa den e obra a haci publicidad den e bario di Savaneta y rond di dje unda nan a bay puntra na traimerdia, na scolnan den bisindario si tabatin mucha interesa di participa den e obra aki pa asina ey nan a logra cera un grupo cu diasabra awor ta bay presenta na Centro di Bario di Savaneta for di 7or te cu 8or di anochi y entrada ta bay ta gratis.

Nota di redaccion: Un potret ta ilustra portada di e buki “Historia di Savaneta” di Dufi Kock y a wordo pinta pa Franco Koolman. Otro potret ta di Ferdinand Franca.

Na un aña di su morto,

Famia di hoben fayecido, Luisangel Figaroa, tin mas pregunta cu contesta

Tabata 17 di october di aña 2021, dia cu Aruba a keda den conmocion pa e tristo noticia di e morto un hoben di 20 aña. E momentonan ey e circunstancianan di con su morto a sucede no tabata mucho claro.

DJ Louisville, manera Luisangel Figueroa tabata conocí, tabata un hoben cu tabata studia y tambe tabata traha como DJ. Su mama Anahiza Flores den un entrevista cu Bon Dia Aruba na januari ultimo a expresa cu “semper mi a apoya mi yiu, unico cos cu e tabata kier ta pa e traha como DJ”.

El a conta cu ora cu a haya e curpa di Luisangel, a haya esaki di un manera masha straño. “E curpa di mi yiu no tabatin mas fractura cu esun na su cabes y su custia cu a kibra door di e reanimacion. Anto tin hopi cos, tin hopi pregunta cu mi tin pa [autoridadnan], nan no ta tende y nan no ta scucha mi, esey ta mi preocupacion.”

E tempo aya e tabata referi na Ministerio Publico. E

instancia aki dia 1 di april di e aña aki a manda un comunicado na tur medio di comunicacion indicando cu e caida di Luisangel, cu a tuma luga na e centro comercial di Paseo Herencia, tabata un accidente y nan a cera e caso.

“E conclusion despues di e investigacion ta, cu ta trata aki di un accidente unilateral hopi lamentabel. No tin ningun indicacion cu lo tin un of mas persona involvi. Investigacion di e pistanan na e sitio y investigacion di telefon di e fayecido no ta duna ningun indicacion cu un crimen lo por a tuma luga. Detaye di e investigacion aki a wordo papia cu e famia. Ministerio Publico ta di opinion cu considerando privacidad di e fayecido, no ta na su luga pa bisa mas tocante e detayenan aki.”

Dia 17 di october ultimo, un aña despues, Flores a duna un declaracion den e medio di comunicacion Noticia Impacto pa recorda cu su yiu Luisangel a cumpli un aña di su fayecimento. El a indica cu esaki tabata un aña duro, di hopi sufrimento y di



hopi pregunta cu no a haya contesta.

“E curason di un mama cu tur anochi cu e ta bay drumi e ta puntra su mes si tabata un accidente of no, con el a cay, preguntanan cu no tin contesta. Mi ta sigui bisa cu e sistema ta malo, cu mi ta sigui bisa cu esey no tabata e manera di haci cosnan y cu aunke mil aña pasa, mi ta sigui bisa cu no tabatin un bon procedura. Ta un sistema totalmente contradictorio”, el a señala.

Den su opinion, loke a pasa cu su yiu ta similar na loke a pasa cu otro hobennan na Aruba, ta pa hende wak cu no ta gañamento, cu loke a pasa cu nan como famia cu ta bibando e dolor aki tambe hopi famia ta padeciendo esaki. “Boso tur cuida, pasobra akinan nos no ta bay haya un hende pa cuida nos” Flores a bisa.

E hecho cu den e caso aki, den cual no tin un persona culpabel pa e morto di su yiu, tabata haci daño na Flores, pero esey no ta sucede mas.

“Mi ta mira cu si ta husga hendenan cu nan si a logra di gara pasobra tin evidencianan claro y cu nan ta wordo husga pa dies aña, pero nan ta sali den 6 of 5 aña. No ta interesa mi pasobra ta bay ta mas frustrante si mi haya sa cu na e persona ey nan ta bay gar’e y lag’e sali den dos aña. Esey ta hopi frustrante. Awor mi ta spera e husticia divino”, el a menciona.

Entre Flores, su famia y amigonan a yega di haci un manifestacion pacifico na luna di januari di e aña aki pa asina recorda e hoben DJ cu a fayece di manera inespera.

Tambe riba rednan social na luna di januari ultimo tabatin basta movimiento social, cu publicacionnan tabata pidi husticia pa e caso aki pa e no keda impune. Flores a bisa e tempo ey cu for di comienso autoridadnan tabatin supuesto señalnan cu Luisangel a mata su mes, pero “esey ta algo straño, pasobra nan bisa cu e mama no a ripara cierto cosnan di su yiu, pero esey no ta mi caso. Mi ta

un mama cu semper tabata cu mi yiu y duna sosten pa loke e tabata kier haci y traha, cu tabata DJ”, el a menciona.

“Ministerio Publico diahuebs ultimo a manda un comunicado di e caso aki na medionan di comunicacion na unda nan ta indica cu generalmente, Ministerio Publico no ta bisa nada den casonan asina unda no tin un sospechoso deteni ainda. Pero den e caso aki ta otro, mirando cu e team investigativo a bin ripara cu riba social media tin hopi informacion y noticianan incorrecto circulando tocante e caso. E informacionnan y noticianan aki, cu ta wordo presenta como berdadero, en realidad ta resulta di no ta berdad”, e comunicado di Ministerio Publico di 13 di januari ultimo tabata señala.

Para finalisa, Flores ta opina cu sistema na Aruba tin cu cambia. “Nos muchanan no ta merece esey, ni un ser humano ta merece muri asina ‘ki y cosnan ta keda asina, no tin ley”, el a expresa.

Fundacion Alzheimer's Aruba ta sigui traha duro pa conscientisa comunidad

Fundacion Alzheimer's Aruba a organisa un bunita presentacion unda cu a brinda tur e personanan cu a atende e presentacion aki un gran cantidad di informacion util y necesario pa conscientisa e comunidad tocante Alzheimer's y con esaki ta afecta tanto e pashent como e familiarnan cercano di su persona.

Alzheimer's ta un tipo di trastorno, cu ta ireversibel, progresivo y ta afecta un gran cantidad di persona, cu aunke mayoria ta di edad avansa, por tin tambe un edad bastante hoben. E ta e tipo di trastorno of anteriormente conoci como demencia, cu ta cuminsa cu perdida di memoria leve, te na e perdida di e habilidad di sigui un conversacion y responde na e ambiente.

E ta involucra partinan di e cerebro cu ta controla pensamiento, memoria y lenguahe.

E malesa aki por afecta un persona su habilidad di checuta actividadnan diario di un manera sumamente serio.

Cientificonan te ainda no ta compronde completamente kico ta causa e trastorno aki. Posiblemente e no tin un solo causa, sino varios factor cu por afecta cada persona di manera diferente. Entre e factornan tin Edad, Historia familiar y cambio den cerebro.

E riesgo mas conoci di Alzheimer's ta edad. Sinembargo, cambionan den e cerebro por cuminsa añanan prome cu e prome sintoma aparece of ser sinti, causando cu e ta posibel pa tin Alzheimer's cu un edad mucho mas trempan di loke nos ta kere. E historia familiar tambe ta hunga un rol, pa motibo cu investigadornan ta kere cu genetica tambe ta hunga un rol den e desaroyo di Alzheimer's. Sinembargo, un estilo di bida saludabel por yuda reduci bo



riesgo di desaroya e trastorno aki. Di mesun manera, ta studiante si educacion, dietet y ambiente ta hunga un rol den e desaroyo di e trastorno aki. Tin evidencia cu ta creciendo unda cu tambe por mira cu comportamentonan saludabel, cual a ser demostra di por preveni cancer y diabetes, posiblemente por reduci e riesgo di Alzheimers.

E presentacion a cuminsa banda di 7or di anochi, unda cu Ir. Roberto Croes a papia un poco tocante cifranan y estadisticanan cu mester tene cuenta cune. Entre otro, a enfatisa cu e poblacion cada biaha ta birando mas grandi, y e hobennan ta birando menos. Esaki ta nifica cu mester presta atencion riba esaki y ekipa nos hobennan cu e

conocemento y hermentnan necesario pa nan por brinda cuida na e grandinan cu posiblemente lo tin mester di esaki, ademas di proteha nan mes y mehora nan estilo di bida pa por preveni cualkier tipo di malesa, mirando cu lo por tin un escasez di persona disponibel cu lo por brinda un cuida na nan.

Tambe a trece dilanti e punto cu den año 2010 tabatin 1,018 persona cu Alzheimer's na Aruba, y a mira cu e cifra aki ta keda aumenta di manera significante, cu 1,682 den año 2020, y un proyeccion di 2,345 persona pa año 2030.

Despues di un pausa chikito, unda cu a haya e oportunidad pa comparti cu otro y comparti experiencianan, a sigui

cu e di dos parti di e presentacion.

Drs. Melva Croes-Yanez ken ta neuropsicologo a papia tocante e diagnostico y e bida despues di ricibi un diagnostico. Aki a enfatisa riba varios punto riba cual lo elabora proximamente, pero a sobresali entre otro, cu hopi di nos grandinan no ta ricibi un cuida adecua, tanto di familiarnan como di centronan di cuida. Hopi di nan ta ser abusa, y no tin ni persona ni tampoco ley cu ta para pa nan. Te ainda no ta tende papia di ley especificamente pa e proteccion di nos grandinan, y por mira cu tin un necesidad sumamente grandi pa esaki. Ademas, a trata e punto unda cu hopi pashent no ta al tanto di nan derecho como pashent, como por ehempel, e derecho di ricibi un diagnostico por escrito, cual por crea un record medico cu e pashent por tin disponibel na cualkier momento cu esaki bira necesario.

E tabata un presentacion sumamente informativo y educativo, unda cu por a mira cu te ainda tin hopi trabao cu mester haci pa conscientisa e comunidad tocante e trastorno aki, y tocante e calidad di bida cu nos grandinan tin y lo trata cada un di e puntonan cu mas detaye y profundidad proximamente.



Minister Rocco Tjon atendiendo e "90th Interpol General Assembly" na India

Minister di Husticia y Asuntonan Social Sr. Rocco Tjon ta atendiendo e "90th Interpol General As-

sembly" na India, cual ta enfoca riba combati crimen organisa, crimen financiero y corrupcion. Na

e apertura di e congreso aki, caminda 195 pais ta participando, Prome Minister di India Sr. Narendra Modi a enfoca riba e importancia pa combati crimen financiero, crimen organisa y corrupcion.

Jurgen Stock, kende ta e Secretario General di Interpol, a splica riba e importancia di siguridad global cu ta wordo estableci a traves di cooperacion y compartimento di informacion. Banda di esaki, Presidente di Interpol, Sr. Ahmed Naser Al-Raisi, a splica e importancia di e colaboracion entre e 195 paisnan cu ta miembro di Interpol. Pa esaki, Interpol ta pone e tecnologia pa "gather information" disponibel pa asina, analisa informacion y comparti esaki.

Segun Tjon, e ta importante pa Aruba por haci mucho mas uzo di e diferente iniciativas cu Interpol ta brinda



paisnan cu ta miembro. E oportunidadnan aki ta diverso for di ayudo den combati crimen te cu "capacity building" pa esnan cu ta traha den e aparato Hudicial.

E agenda strategico di e Ministerio di Husticia y Asuntonan Social, cual a wordo comparti cu Parlamento di

Aruba, ta netamente enfoca riba e puntonan aki. E dianan dilanti durante e congreso, banda di e programa oficial, e delegacion di Aruba lo hiba diferente conversacionnan cu representantenan di Interpol y delegacionnan di otro paisnan, pa asina fortifica e puntonan menciona.

STATEN VAN ARUBA

OPENBARE VERGADERING OP 24 OKTOBER 2022 OM 09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Ontwerp landsverordening houdende comptabele voorzieningen ter bekrachtiging en vaststelling van de uitgaven en ontvangsten van het Tourism Product Enhancement Fund voor de dienstjaren 2020 en 2021 (ZJ 2021-2022-977)

De Plv. Griffier,
drs. J.I. Williams

Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #1330772

Ass. Dir. Ehecutivo

Xiomara Arends

Redaccion

noticia@bondia.com

Pilar Flores (hefe di redaccion)
 Angenette Figuero (closer editor)
 Leo Maduro
 Dilma Arends
 Andreina Morillo
 Raisa Montilla

Ehecutivo di Benta

aviso@bondia.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
 accounting@bondia.com

Mariette Engelhart
 Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
 Pablo Libre

Press

Roland Schenker (Hefe)
 Omar Ramirez
 Martin Boekhoudt
 Francis Dirksz

Colaboracion

Luis Villegas
 Associated Press
 Ret Karibense
 Upload Media Aruba

Afiliacion

Sociedad Interamerica
 di Prensa (SIP)

DIRECCION

Adres: Weststraat #22
 Tel: 582-7800
 Email: noticia@bondia.com
 aviso@bondia.com
 info@bondia.com
 Website: www.bondia.com
 Facebook: @bondianoticia
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Mas cumplimento... Menos 'aanwijzing'

Resultado di e proximo reunion di Consejo di Ministro di Reino, unda ta trata un eventual 'aanwijzing' pa gobierno di Aruba cambia su presupuesto 2022, no ta sigur ainda. E motibo ta cu, manera ta e intencion di e proceso di aanwijzing, e pais bao supervision tin un oportunidad pa muestra kico nan ta haci pa cumpli cu e exigencianan haci, den cual caso no tin motibo pa duna e pais un tal instruccion. Simultaneamente gobierno di e isla concerni tin oportunidad di entrega su manera di mira e asunto, e asina yama 'zienswijze' cu ta contene e puntonan cu cual nan no ta di acuerdo, y e puntonan cu cual si a, of lo cumpli.

A base di esey gobierno di Reino tin un decision pa tuma, pero pakico e resultado no ta sigur ainda? Pasobra gobierno di Aruba a cumpli parcialmente cu e requisitonan cu a formula, y ta spera cu esaki por ta suficiente pa gobierno di Reino, cu un mayoria Hulandes semper, lo dicide cu e esfuerzonan tabata suficiente y no ta bay obliga gobierno di Aruba pa cumpli al pie de la letra cu tur exigencia. Esey por ta e caso, pero nos no ta dispone di suficiente base concreto pa bisa esey. Loke ta conoci ta e cifranan general di cambio cu enberdad gobierno di Aruba a haci pa trata di 'meet halfway' cu Hulanda den e asunto. Kico ta e cambionan?

En corto, a reduci e deficit inicial di presupuesto 2022, di Afl. 227 miyon te na Afl. 148 miyon. Despues a logra otro reduccion mas, cu a pone e deficit na Afl. 112 miyon. Esey ta loke gobierno di Aruba mes a anuncia. Pero kico tabata e recomendacion di CAft? Esaki tabata, segun e recomendacion di september ultimo, un deficit maximo di Afl. 84 miyon pa Pais Aruba, y cu algun recorte extra, Afl. 75 miyon pa e sector colectivo. Un diferencia final di alrededor di Afl. 28 miyon entre loke gobierno di Aruba ta hiba na mesa den dicho reunion, y loke CAft a formula como recomendacion final. Pregunta: pa esaki mester bay 'cu cuchiu na mesa'? Ta parce nos cu no, pero esey no ta e punto clave. E punto clave ta: pakico e cosnan aki mester yega asina leu, si di antemano gobierno di Aruba tambe sa cu di tur manera, 'por la buena o por la mala', nan lo mester cumpli. Y e motibo pakico nan mester cumpli ta cu nos pais ta bao di supervision financiero y no ta gobierno di e isla ta dicide kico ta prioridad.

Pero tin un motibo mas pakico tur e baina aki no tabata necesario. Esey ta cu practicamente

gobierno di Aruba no a baha gasto..., loke a haci ta aumenta entrada, pa colmo riba indicacion di CAft... Esaki merece un aclaracion: entre e propuesta di gobierno pa e presupuesto complementario 2022, y loke CAft ta duna, si inclui nan recomendacion, nos por mira cu CAft ta propone solamente un reduccion di Afl. 16 miyon den bienes & servicio, y por lo demas ta laga tur e otro categorianan di gasto manera nan ta: gasto di personal mescos cu gobierno, igualmente interes riba prestamo, subsidio y otro transferencia... Unda e diferencia ta anto? Den e entrada unda CAft ta haya cu gobierno di Aruba ta calcula su entradanan demasiado abao y ta proyecta un suma di Afl. 47 miyon extra pa fin di e aña aki... That's it, mas e pleito no ta..., na e momento aki anto. Pasobra na caminda gobierno di Aruba enberdad a baha di e 227 miyon di deficit inicial, te na menos di 50% di e suma ey. Loke por surgi awor naturalmente ta e pregunta: "Y ta pesey nos mester a pasa den tur e lunanan aki di tension, di comentario negativo, di genuino politiqueria?" Nos ta kere cu nos no mester a pasa den henter e proceso aki, pero nos ta imagina cu gobierno, y e partidonan cu ta sosten'e, no ta pensa mescos. Esey principalmente pasobra sinta na mesa y yega na acuerdo di biaha manera hende grandi, den e ambiente politico ta ser mira como debilidad... Nan no ta desea pa mira nan como 'losers' cu a bay di acuerdo demasiado liher cu loke nan a palabra. Naturalmente tin di nos cu ta mira esey como un virtud, cumpli cu bo palabra, pero den politica esey no ta asina.

Ora nos mira e pleitonan cu nos ta pasa aden, esaki ta loke nos ta mira na un isla manera Puerto Rico tambe, cu 'per capita' tin un debe mes grandi cu Aruba, y a haya supervision di Congreso Mericano, pa evita cu e isla ta bay bancarota. Sa pasa un siman, pero no ta pasa un luna sin cu tin un of otro 'issue' cu e hunta di supervision di Congreso. Y mescos cu cerca nos, finalmente e supervisor ta impone, no e supervisado...

Den retrospectiva, loke nos ta mira cerca nos ta cu, gobierno di Aruba a cuminsa fuerte, defendiendo su presupuesto, y gradualmente ta cede tereno, a sabiendas cu finalmente e decision final no ta di nan. Ey nos a yega e siman aki, cu un deficit cu ta un poco mas halto cu loke CAft finalmente ta haya recomendable. Sea tin un 'aanwijzing' chikito of no, nos no ta libra di e show di forza, di indignacion, fingi o real; e ta keda ripiti tanten nos tin supervision...

Prome Minister Evelyn Wever-Croes:

Durante encuentro cu ACCA a trata con Aruba por mehora cooperacion cu consuladonan

Siman pasa Association of the Consular Corps of Aruba (ACCA) a reuni cu Prome Minister di Aruba Evelyn Wever - Croes. Motibo di e reunion tabata pa sondea con por trece mi-hor cooperacion y union entre Pais Aruba y e consuladonan di diferente pais, aki na Aruba.


E organisacion ACCA ta consisti di 30 diferente pais y di esaki 24 pais ta miembro na Aruba. e cuerpo consular tin e vision pa traha hunto cu Gobierno di Aruba pa garantiza seguridad y bienestar di un y tur cu ta biba na Aruba. Door di traha hunto cu representantenan di paisnan cu ta miembro di ACCA y Gobierno di Aruba. Nan mision ta pa brinda na ciudadanonan integracion positivo na bienestar di Aruba.



Den cuadro di esaki, e organisacion a presenta algun reto na Prome Minister Wever - Croes, cu ta dificulta e mision y locual cu por haci tambe pa mehora e situacion. Algun di e puntonan cu a wordo treci dilanti ta necesidad pa mehora e liña di comunicacion cu departamentonan gubernamental, respet pa e carnet consular, mihor trato na embahadornan y mehoracion

den procedura na aeropuerto.

Prome Minister a gradici e organisacion pa e encuentro, y pa a expresa nan deseo y esfuerso pa traha hunto na mihor union den cuadro di Aruba su recuperacion. Di parti di Gobierno di Aruba, lo bay traha riba un comision cu ta consisti di representante di cada Minister, pa yuda crea mas cooperacion entre e



diferente departamentonan reunion, Premier Wever - Croes a expresa.

Prome Minister Evelyn Wever-Croes:

Importancia di conscientisacion tocante traficacion di hende

Diamars na Cas di Cultura a anuncia inicio di 'lespakket' tocante traficacion di hende pa scolnan secundario. Ta crucial pa hobennan estudiante ta alerta pa señalnan di posibel traficacion y/of contrabanda di hende sea pa nan mes of esnan cerca di nan.

Esaki ta conta pa studiantenan cu ta bayendo scol actualmente y cu den e proximo añanan, tin e intencion di continua nan estudio avansa den exterior. Leu for di cas y den un ambito no familiar, ta crea cierto vulnerabilidad y pesey ta importante pa e hobennan aki ta na altura di e



indicadornan.

E uzo di tecnologia tambe ta hunga un rol importante

den esaki ya cu e por wordo uza negativamente pa acerca hobennan den un manera anonimo of cu identidad falso. Tecnologia tin su partinan peligroso tambe y pesey ta importante pa tin e conocimiento di e indicadornan di traficacion di hende, pa por reconocenan di biaha.

Un efecto di e pandemia ta e factor di isolacion social, como cu tur hende a mester a keda paden. Gran mayoria di comunicacion, incluyendo lesnan di scol y reunion di trabou a tuma luga via internet. Hobennan tabata pasa mas tempo riba internet y aki

ta caminda identidadnan falso por keda crea y ta duna oportunidad di crea relacionnan no mucho positivo. Te ora cu ta laat y e hoven ta sinti cu e ta den gara di e persona scondi tras di e "fake profile", cual ta haci dificil pa por busca ayuda. Pesey conscientisacion riba e indicadornan ta importante.

E lespakket ta un prome paso den crea mas conscientisacion cerca nos hoben studiantenan. Haciendo uzo di e informacion inclui den e pakete, lo stimula debatenan sano riba e topico aki y asina crea e conocimiento neces-

rio pa atende cu e problematica, den un ambiente educativo.

Prome Minister Wever - Croes ta haci apelacion na un y tur pa ta alerta y tuma accion ora cu ripara algo cu no ta bon. Desde awo, pa medio di e lespakket aki, studiantenan tin un punto di contacto na scol tambe na unda por comunica nan sospecho y/of preocupacion mas facil.

"Ban huntu yuda proteha nos hobennan. Nos ta conta cu boso colaboracion den esaki. Habri bo wowo paso traficacion y contrabando di hende ta pasa mas cerca cu bo ta kere!"



16 dokter ta ricibi boet pa uso di ivermectin y hydroxychloroquine pa trata Covid

(NLTimes) - **Inspectorado di cuido di salud y hobenan Hulandes yama IGJ, a duna boet na 16 dokter acusa di receta e medicamento ivermectin y hydroxychloroquine pa trata COVID-19. E boet mas halto tabata di casimete 13,000 euro.**

E boet aki a ser duna na un dokter cu a receta un of ambos di e medicamento aki pa mas di 150 biaha. IGJ a bisa cu e uso di e medicamento aki no tabata permiti, mucho menos pa trata coronavirus.

“Na Hulanda e principio basico ta cu dokternan no ta usa medicina cu ta ser promovi of bendi pa otro malesanan,” IGJ a bisa. Uso di e manera aki di e medicamentonan ta permiti solamente ora cu e

profesion medico ta crea un sistema pa su uso of e monitor di un medicamento, ademas mester ta den consulta estricto cu e pashent specifico y e farmacia. “No tin protocol of standard di industria cu ta permiti e uso di ivermectin y hydroxychloroquine. Al contrario, e standard y protocol di e profesion ta bisa explicitamente cu no tin flexibilidad den e uso di e substancianan aki, pues pa e uso di e medicamentonan aki pa un malesa cu no ta e malesa pa cual el a ser crea, ni tampoco e uso pa trata coronavirus,” e inspectorado a splica.

Den december, IGJ a lansa un investigacion den un grupo di dokternan cu aparentemente tabata receta e uso di ivermectin online. Un reportahe di RTL Nieuws a muestra



con un persona por obtene un receta den solamente 2 minuut cu un consulta online cu ta costa 30 euro. E medicamento ta ser usa pa trata parasitonan den ser humano no virus. Tambe e por ser usa como medicamento

pa parasita den cabay.

Experto di cuido intensivo Diederik Gommers a bisa den september den año 2021, cu “estudionan no a comproba cu e medicamento tin efecto positivo, pues pa

e motibo aki nos no ta haci uso di dje.” Na e momento aki, tabatin reportahe di personanan demandando pa nan dokter receta e medicamento aki na nan, cual Gommers a describi como “inaceptabel.”

DVG suministrando vacuna Bivalent como Boostershot den bario

DVG su team encarga cu vacunacion ya caba ta presente den diferente bario cu e unidad mobil di Bureau Rampenbestijding pa asina brinda comunidad e vacuna Bivalent di Pfizer mas serca di cas.

E vacuna Bivalent di Pfizer ta ‘target’ subvariantenan di e variante Omicron cu ta circula y premirando e posibilidad cu fin di año por trece aumento den casonan di COVID, DVG ta recomenda tur ciudadano cuminsando for di 12 año cu tin minimo 2 vacuna caba ricibi pa busca nan vacuna Bivalent. E vacuna Bivalent lo wordo duna unicamente como Boostershot, esaki nifica cu pa por ricibi e vacuna e ciudadano mester tin minimo 2 vacuna ricibi caba. Ciudadanonan di 60 año of mas cu tin 3 of 4 vacuna ricibi caba, tambe ta bin na remarke pa ricibi nan siguiente boostershot como e vacuna Bivalent.

E fecha y orario unda comunidad por acudi pa busca nan vacuna den bario ta como lo siguiente:
 Centro Deportivo Frans Figaroa na Noord dia 17, 18, 19 di Oktober for di 8:30 di

mainta pa 3:30 di atardi non stop.

Centro Deportivo Betico Croes na Santa Cruz dia 24, 25, 26 di Oktober for di 8:30 di mainta pa 3:30 di atardi non stop.

Stadion Joe Laveis na San Nicolas dia 31 oktober y 1, 2 di november for di 8:30 di mainta pa 3:30 di atardi non stop.

Pa por ricibi e vacuna Bivalent e ciudadano mester presenta cu su carnet di AZV of su AZV digital, su Aruba Health App, forma di identificacion (ID) y si tin ainda e pruebanan bieu di vacunacion.

Durante e dianan cu DVG ta vacunando den bario cu e unidad mobil, prikpost DVG lo ta habri tambe for di 8:00 pa 11:45 di mainta y atardi for di 1:00 pa 3:45.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](#), subi nos website [www.dvg.aw](#), yama nos na 5224200/ 2800101 of mail nos na servicio@dvg.aw



BON DIA ARUBA TODAY

Caribbean Speed Printers N.V., un compania local estableci na 1991, editor di Bon Dia Aruba, Aruba Today ta en busca di un;

Freelance - Layout

Resumen di trabou:

- Crea sea revisa aviso segun standard nan di compania. Gusta traha bou deadline.
- Layout corantnan
- Hasi control di calidad riba e aviso nan

Exigencia:

- Mester por domina e siguiente programa nan:
 Adobe Photoshop, Illustrator, Indesign, After Effects sketch tools for mobile application. Otro software manera Corel draw y Photo Paint ta un plus
- Amplio experiencia den e ramo di graphic design
- Mester ta un teamplayer
- Mester ta un persona di detaye
- Mester ta un persona creativo y innovativo

Nos ta ofrece:

CSP/Bon Dia ta ofrece un posicion den un ambiente dinamico, innovativo y cu oportunidad di crece. Salario ta di acuerdo cu e nivel di experiencia.

Si bo ta reconoce bo mes den e perfil aki, por favor manda bo carta di solicitud y dirigi esey na atencion di HR Department, Weststraat 22, Oranjestad, Aruba of via e-mail pa: human.resources@cspnv.com.

Pa mas informacion riba e posicion, tuma contacto cu sra. M. Engelhart na telefon 582-7800.

Aumento den consumo ilegal di awa y coriente na Corsou

“Ta casi un tercera parti”

(CuraçaoChronicle) – Consumo a traves di instalacion ilegal di electricidad y awa a aumenta alarmantemente na Corsou. Aqualectra ta reporta cu ta trata aki di casi 30 porciento di awa potable. Den caso di electricidad, alrededor di diesocho porciento ta ser usa ilegalmente. Esaki a keda reporta pa director di Aqualectra, Darick Jonis.

Particularmente den barionan di Klein Santa Martha,



mas aya di Soto, tin hopi consumo ilegal. Varios hogar ta laga pafo di e suministro di awa potable y electricidad pasobra nan no por sigui paga nan recibo y hopi biaha ya

nan tin arreglo di pago. Anteriormente, alrededor di binti porciento di awa y diesun porciento di electricidad tabata consumo ilegal, pero awo esaki a aumenta

dramaticamente.

E bario di Bandabou no ta e unico. Al menos cinco otro region riba e isla tambe ta conoci como “barionan problema”. Segun Aqualectra, e consumo ilegal di electricidad y awa no ta simplemente “perdida pa lek”, sino ilegalidad completo.

Si Aqualectra ta mira cu a manipula un meter, e compania ta bay cu e meter y ta desconecta e cliente. E cliente mester paga e recibonan

pendiente prome, y despues ta agrega un multa di mil florin. Unabes cu a paga esaki, Aqualectra ta conecta e meter back. E cliente ainda ta ricibi un cobransa di 500 florin pa reconexion di e meter.

Segun Jonis, casi no tin respuesta di politiconan. Casi no tin ningun politica riba asuntonan manera awa cu coriente. “Politiconan ta purba di pensa y yuda door di pone truck di awa den barionan, pero esaki no ta elimina e problema”, Jonis ta bisa.

Desde nan yegada na Saudi Arabia, un dolfijn ya a fayece

Hues ta duna veredicto contra Fundacion Animal Rights den caso di cinco dolfijn exporta

Dia 25 di januari 2022 Sector Agricultura, Medio Ambiente y Naturalesa di Ministerio di Salubridad, Medio Ambiente y Naturalesa di Corsou a otorga un permiso di exportacion pa exporta cinco dolfijn cu tabata permanece na Sea Aquarium. Na juni ultimo, e cinco dolfijnnan a keda transporta pa Saudi Arabia. Un di nan a fayece na fin di augustus 2022.

E Fundacion Animal Rights (e Fundacion) a apela contra e permiso di exportacion di 25 di januari 2022, pasobra segun e Fundacion, e estadia na Arabia Saudita no ta na bienestar di e dolfijnnan. Den e veredicto di 19 di oc-

tober 2022, Corte a declara e apelacion aki no admisibel pa dos motibo. E prome motibo ta cu e Fundacion ta laat cu e apelacion. Na januari 2022 e Fundacion no tabata sa di e existencia di e permiso di exportacion y no por a actua e momento ey, pero for di april 2022 e Fundacion tabatin suficiente informacion pa por a tuma accion. Sinembargo, te na juni 2022 e Fundacion a apela contra e permiso di exportacion y pues e ta laat pa cu esaki.

E di dos motibo cu ta haci cu e apelacion no ta admisibel ta cu e Fundacion no tin interes huridico den e apelacion. Un apelacion admisibel ta exigi cu e proponente di e apela-

cion mester tin un interes huridico. E resultado cu e proponente di e apelacion ta aspira, mester ser logra efectivamente y e realizacion di e resultado aki mester tin un significado efectivo pa e proponente di e apelacion aki. Solamente un interes formal of fundamental no ta suficiente pa esaki.

Anulacion di e permiso di exportacion no ta pone cu e dolfijnnan ta regresa Corsou ni tampoco ta pone cu nan lo muda pa otro luga. Pa esaki mester di colaboracion di e propietario nobo na Saudi Arabia. Tambe e Fundacion no a fundamenta dicon ta rekeri anulacion di e permiso di exportacion pa consulta cu



e actual propietario di e dolfijnnan.

Corte tambe a trata e argumentonan di e Fundacion tocante contenido den su veredicto a pesar cu esaki no tabata necesario mirando e declaracion di no admisibilidad. Den caso cu e apelacion lo tabata admisibel, e argumentonan aki no por a yega na un anulacion di e permiso di exportacion. A base di e

ley y regulacion vigente, pa otorgamento di permiso di exportacion den e caso aki no mester husga e condicionnan di bida na e pais di yegada di e animalnan cu ta keda exporta. E motibo pakico e dolfijnnan a keda exporta no ta relevante pa hustifica e permiso di exportacion.

Tambe a cumpli cu tur ley y regulacion vigente.

Reunion di emergencia riba situacion di KLM na Corsou



(CuraçaoChronicle) – Prome minister Gilmar Pisas diamars atardi a reuni cu varios representante di gremio comercial riba

e topico di e vuelonan di KLM pa Corsou cu a keda cancela.

Curaçao Airport Partners

(CAP), Curaçao Business Association (VBC), Curaçao Hospitality and Tourism Association (CHATA) y Camara di Comercio tabata presente.

Minister di Desaroyo Economico, Ruisandro Cijntje tambe a participa den e reunion.

E topico tabata e reduccion riguroso di e cantidad di vuelo di KLM pa Corsou cu a keda anuncia repentinamente e siman aki.

Tur partido awo ta trahando hunto riba un solucion pa mehora e situacion lo mas



rapido posible. Segun Cijntje, e decision di KLM tin un impacto mayor riba e isla y e gastonan ta bay alcansa alrededor di binti miyon dollar.

Prome Minister Pisas no a declara kico e solucionnan proponi lo por ta, pero si a indica cu ta bay anuncia eskinan pronto.

Amsterdam ta pidi servicio di inmigracion pa nenga entrada na David Icke

(NLTimes) - E municipalidad di Amsterdam a haya e posibel presencia di teorista di conspiracion David Icke na un demonstracion den Dam Square "indeseabel." E ciudad a pidi servicio di inmigracion Hulandes, IND, pa investiga su nan por nenga su persona entrada na e pais.

Icke posiblemente por bishita e demonstracion Samen voor Nederland den e centro di e ciudad dia 6 di november. Alcalde Femke Halsema y e au-



toridadnan di e distrito ademas di oficina di fiscal a keda di acuerdo cu e Monumento Nacional na Dam Square ta den riesgo si e papia na e luga aki. Esaki ta pa causa di

e inkietud social cu su yegada lo por causa, segun e municipalidad.

E ciudad su sitio web ta describi e monumento como "Hulanda su memoria mas importante na e di dos Guerra Mundial." E ta corda hende diariamente di e atrocidadnan den e guerra y e personanan cu a fayece durante esaki. E monumento tambe ta e citio unda cu ta tene e ceremonia di Recordacion Nacional.

Icke ta conoci pa conspiracion unda cu ta bisa cu 'reptili-

anonan' (un grupo poderoso di alien reptil disfrazado como ser humano) secretamente tin e poder riba humanidad. Lider di e partido Forum voor Democratie Thierry Baudet tambe a haci comentarionan similar recientemente, aunke Baudet a bisa cu el a usa esaki como un metafors. Segun Icke su criticonan, e metafors aki ta pa un grupo secreto di elitenan cu ta mas tanto personanan Hudiu. E conspiracion ta bisa cu nan ta tras di un gobierno mundial secreto cu ta todopoderoso.

Universidad di Leiden ta haya profesor culpabel di comportamiento indesea

(NLTimes) - Universidad di Leiden a haya un di su profesornan culpabel di "intimidacion y comportamiento indeseabel na su coleganan pa un tempo largo." E universidad a corta nan conexion cu e profesor en cuestion.

E no por bolbe back e universidad, tampoco supervisa ningun estudiante y no por usa e facilidadnan cu e profesornan tin acceso na dje segun Universidad di Leiden a bisa den un declaracion.

E universidad a pidi su Com-



ite di Keho pa comportamiento indeseabel pa investiga e profesor despues di a ricibi varios keho tocante su persona. E homber a ser suspendi na momento cu e investiga-

cion a cuminsa. Riba diamars, Universidad di Leiden a corta conexion cu su persona ora cu e comite a declara cu e acusacionnan den su contra tabatin base. Univer-

sidad di Leiden ta impacta pa e kehonan y e hecho cu e comportamiento a tuma luga pa asina hopi tempo, segun Annetje Ottow, cabesante di e universidad su Hunta Ehecuc-

tivo. "Nos preocupacion actualmente ta cu e personanan involucra," Ottow a bisa. "Tur ayuda, claramente, ta ser ofreci na reporteronan."

"Nos ta mirando di cerca e lesnan cu nos como universidad mester siña for di esaki y con nos por sigura cu den futuro nos lo presta mas atencion na comportamiento indeseabel, tambe den forma di prevencion," Ottow a bisa.

"E ta importante pa hendenan no sinti ningun obstaculo pa reporta y trece dilanti comportamiento indeseabel."

Mayoria den parlamento kier pa Rey paga impuesto riba su entrada

(NLTimes) - Mayoria den parlamento kier pa Rey, e proximo den linea pa e trono, e monarca retira y cualkier parehanan paga impuesto riba nan ingreso riba e beneficio gubernamental cu nan ta ricibi. Tweede Kamer a adopta e mocion crea pa DENK, pidiendo gobierno prepara un amienda pa cu esaki riba diamars.

E partidonan cu a expresa sosten na e mocion aki ta inclui e partido den coalicion D66, PVV, PvdA, GroenLinks, SP, FvD, Volt, BIJ1 y Groep van Haga.

Prome Minister Mark Rutte a conseha contra di e mocion aki siman pasa durante un

debate pa cu e Cas Real su presupuesto.

Rey Willem-Alexander, Reina Maxima, Prinses Amalia, Prinses Beatrix (e Reina retira), actualmente no tin cu paga impuesto bao artikel 40 di e constitucion.

Tweede Kamer, parti di parlamento Hulandes, kier retira e exepcion aki pa asina e famia real paga impuesto manera tur otro persona.

Amienda na e constitucion ta un proceso largo y complica. Ambos Eerste Kamer y Tweede Kamer y e Senado Hulandes mester vota dos biaha pa cu esaki, cu eleccion entre nan. E di dos voto mester gana cu un mayoria di 2



Activistanan Boliviano a manifesta pacificamente dilanti embahada di Iran pa solidaridad

(EFE) - Un grupo di activista a para dilanti embahada di Iran na Bolivia diamars ultimo pa manifesta nan "solidaridad" cu e pueblo y cu hende muhe di e pais ey pa via di e represion di e protestanan antigubernamental.

"Nos kier manifesta nos solidaridad cu e pueblo Irani y cu hende muhe Irani, denunciando e regimen brutal y represivo di Iran", e activista di e colectivo Pan y Rosas, Daniela Castro a señala. E manifestacion a cuminsa na poco meternan di Emba-

hada di Iran na La Paz y nan a muestra varios borchu den cual a referi na e morto di Mahsa Amini, di 22 aña, cu a wordo aresta pa "polis di moral" pa via cu no a bisti su velo na un forma corecto.

E manifestacion feminista aki tambe a cuestiona e Gobierno di Merca y algun di Europa cu ta busca "instrumentalisa" e lucha di hende muhe Irani pa nan logra nan interes, Castro a bisa.

E criticanan tambe a wordo dirigi na Gobierno di Luis Arce cu no a pronuncia su mes tocante e protestanan antigubernamental na Iran cu



excepcion di e polemica cu a wordo produci diana pasa cu embahador di Bolivia na e pais ey, Romina Perez.

"Gobierno Boliviano ta muestra dos cara pasobra no ta interesa den e bida di hende muhe Irani, tampoco ta inte-

resa den esun di Bolivia pa e feminicidionan constante cu ta wordo registra na e pais", el a bisa.

Nacionnan Uni a reporta cu 23 menor di edad a muri pa via di e represion di protestanan na Iran debi na impacto di bala of perdigon di metal activa den distancia corto.

E organismo mundial tambe a informa cu a produci "detencionnan masivo" di defensornan di derechonan humano, periodistanan, abogadonan, activistanan ambiental hunto na esun cu a wordo percibi como opositor.

Colombia: A establece proyecto di ley pa crea Ministerio di Igualdad

(EFE) - Presidente di Colombia, Gustavo Petro y vice-presidente Francia Marquez, diamars ultimo a establece na Congreso e proyecto di ley pa crea Ministerio di Igualdad, un di e promesa principal di nan campaña electoral cu ta bay keda den man di e vice-presidente.

E proposicion aki ta debilbe "igualdad na tur e Colombi-anonan pa logra cu dignidad lo bira custumber", Marquez a bisa, tambe a señala cu mester "transforma e institucionalidad di Estado Colombiano, cu no a garantisa e derechonan di tur ciudadano, di tur e nacion, pero cu ta un principio di nos programa di Gobierno".



Esaki ta e prome paso pa pone den marcha e ministerio nobo, ya cu na Colombia ta necesario cu e creacion di un cartera nobo lo wordo debati y aproba den e dos camara, un proceso cu por tarda lunanan, manera a pasa cu esun

di Deporte, e mas reciente na juli di 2019.

"Awe ta un dia hopi special, pa hopi un dia historico, un dia cu Estado ta habri su portanan pa forma parti di esnan cu a wordo exclui y margina"

e vice-presidente a agrega. E ta prome muhe di color scur cu a haya e funcion ey, pa asina insisti cu "igualdad ta un principio cu ta abarca y haci impulso di nos Gobierno".

Den e Salon Constitucion

di Congreso, Petro y Marquez a wordo acompaña pa minister di Interior Alfonso Prada, presidente di Camara di Representantenan David Racero y di Senado, Roy Barreras, ken nan a confia cu por aproba e proyecto aki pronto.

Di su parti, Petro a señala cu falta di igualdad ta "e principal problema di Colombia" y cu tin cu wordo defendi den tur ambito, pa loke el a defende e reforma tributario presenta pa su Administracion.

"Un contesta na e crisis economico? Igualdad y mas igualdad, un contesta na violencia? Igualdad y mas igualdad", Petro a bisa.

Fiscalia di Guatemala ta pidi 30 aña di prison pa ex-presidente Otto Perez Molina

(EFE) - Ministerio Publico (Fiscalia) di Guatemala diamars ultimo a solicita un condena di 30 aña di prison contra ex-presidente Otto Perez Molina debi cu supuestamente e tabata lider di un estructura criminal cu tabata opera na e wafnan di e pais y a defrauda Estado pa mionones di dollar.

Fiscalia a finalisa diamars ultimo e etapa di conclusion di e huicio cu ta celebra den contra di Perez Molina, ex-presidente di Guatemala (2012-2015) y otro 29 ex-funcionario mas cu ta wordo acusa di

opera un estructura criminal cu a funciona na e wafnan di e pais centro Americano entre 2012 y 2015.

E organismo investigado a solicita na e Tribunal Mayor Riesgo "B" di Organismo Hudicial un sentencia di 30 aña di prison y un multa di 9.3 mionon dollar contra Perez Molina y su ex-vicepresidente, Roxana Baldetti.

E fiscal, Leslie Rosales ken ta encarga di e acusacion contra e dos persona aki, a fundamenta su peticion cu tapgesprek y señalamiento directo di testigonan protegi cu ta

sigura cu Perez Molina y Baldetti tabata dirigi un estructura criminal.

E delitonan pa e cual nan ta wordo acusa ta asociacion ilicito, caso special di defraudacion tributario y enriquecimiento ilicito.

E estructura criminal yama "La Linea" tabata encarga di realiza cobramiento ilicito na importadornan di e wafnan di e pais na cambio di reduci e pago di impuesto di nan mercancia, di acuerdo cu e investigacion di e ya desaparecido Comision Internacional Contra La Impunidad en

Guatemala (Cicig).

Despues cu Perez Molina di 71 aña a conoce e decision di e Fiscalia den su contra, el a

señala na periodistanan cu si e lo wordo absolvi pa e tribunal, e ta bay tuma accionnan legal contra e investigadonan.



Republica Dominicana ta core riesgo di gas natural mas caro, no di suministro

(DiarioLibre) – Republica Dominicana no ta core riesgo di falta di suministro di gas natural, pero si di tarifa electrico mas halto. Esaki pa e situacion riba mercado mundial di gas natural, bao influencia di e paisnan Europeo, cu actualmente ta e consumidor mayor di gas natural, asina ministro di Energia y Mina, Antonio Almonte, a declara.

El a bisa cu pa 2023 e pais no lo tin desabastecimento di gas natural pero si ta core e riesgo di tarifa mas halto pa e situa-

cion di mercado. “E desaroyo di e eventonan di e guerra y e presion pa yega na gas natural y otro combustible di parti di Europa, tamenaza cu pa e proximo aña nos por ta enfrentando prijsnan halto, loke ta conta tambe pa e energia cu ta produci cu e combustible ey,” Almonte a declara.

Ministro Almonte a precisa cu e problema fundamental den mundo actual ta e movimiento di e demanda den direccion di e paisnan Europeo, como consecuencia di e restriccionnan cu tin den e

fluho di gas natural di Rusia pa e paisnan Europeo, cu ta e consumidornan grandi.

“Un 15, 20 o 30 por ciento di crecimiento di e demanda di Europa ta demasiado. Nos ta papiando di paisnan grandi, consumidor grandi y cu por lo tanto ta pone prijsnan disparo bay ariba,” segun e mandatario di energia y mina.

El a agrega cu pa paisnan manera Republica Dominicana, y regionnan manera America Latino y paisnan di tercer mundo, ta bira dificil mancha e tema di combus-

tible. Republica Dominicana ta un di e paisnan cu un mezcla bastante amplio di fuente

di energia, basa riba carbon, fuel oil, gas natural y energia di biento y solar.



Venezuela: Merca cu exigencia pa kita sancion pa Chevron opera

(LaPatilla/Reuters) – Autoridadnan Mericano a laga bon cla cu permiti e empresa di petroleo Chevron expande nan operacion na Venezuela ta depende di un gran gesto: cu e regimen Chavista y oposicion reuni den Plataforma Unitaria bolbe na Mexico pa conversacion encuanto eleccion, al menos pa un promer vuelta, asina tres persona al tanto di e asunto a declara e siman aki.

A base di un acuerdo di servicio tecnico firma cu empresa estatal Pdvsa algun luna pasa, Chevron a solicita na Depar-



tamento di Tesoro Mericano-suaviza e sancionnan contra Venezuela, loke por permiti tuma control operativo y tin mas participacion den

adquisicion y comercio den e cuatro empresanan petrolero cu Chevron ta comparti cu Pdvsa.

Pero Departamento di Estado a insisti cu cualkier flexibilizacion relevante di e sancionnan ta tuma lugar solamente si Nicolas Maduro ta bolbe na dialogo y ta tuma paso concretu pa tene eleccion liber. E solicitud di Chevron a cay den e discusionnan politico mas amplio di Departamento di Estado Mericano, y e creciente oposicion di Congreso en vista di eleccion di november na Merca, pa tuma cualkier medida cu por beneficia Maduro.

Expertonan di oposicion Venezolano a pone un obstaculo nobo pa e propuesta di Chevron, bisando cu esaki

por viola e ley cu ta prohibi e control priva di cualkier empresa di joint venture den petroleo Venezolano. Den un carta dirigi na funcionarionan di Departamento di Estado di Merca e luna aki, presidente interino Juan Guaidó a pidi detaye di e solicitud di Chevron.

Diamars e secretario di estado adhunto pa Hemisferio Occidental, Brian Nichols, lo a tene un reunion virtual cu hende di Guaidó pa discuti e asunto. Di banda di Chevron y di e Departamento no tabatin reaccion riba solicitud pa comentario.

Venezuela ta sigui den gara di yobida fuerte y inundacion

(LaPatilla) – Venezuela ta den gara di yobida fuerte, cu ademas por continua por lo pronto. Por lo menos 80 famia a resultaafecta pa e desbordamento di rio Noguera, na e parroquia Güigüe, estado Carabobo, despues di yobida fuerte di e ultimo dianan.

Coronel Oswaldo Henriquez, promer comandante di bombero di municipio Carlos Arvelo, a confirma e cifra y a bisa cu autoridadnan ya ta den e zona prestando asistencia. Tambe el a indica cu despues di e desbordamento di rio Noguera mas di 41 propiedad inmueble a keda afecta na Carabobo. Alcaldia di San Diego a informa despues cu e cifra di vivienda



afecta a subi te 48.

Alrededor di 140 vivienda a resulta afecta pa desbordamento di quebrada Palmarito na El Castaño, norte di Ma-

racay, estado Aragua. Di e 140 vivierendanan, 100 tabatin daño parcial y 40 daño grave, segun autoridadnan. A anuncia tambe cu dialuna pasa tabata tumando lugar evacuacion

den e zona di El Castaño, pa e riesgo di desbordamento, si yobida continua. Ta trata di mas di 300 evacuacion via carretera y via aereo.

Na estado Merida tambe

tabatin caso di inundacion, unda gobernador di e estado a informa cu tin en total 40 vivienda, 6 comercio y 12 vehiculo cu a sufrí daño directo den e zonanan di Libertador, Rangel, Arzobispo Chacon, Campo Elias, Alberto Adriani y Guaraque.

Gobierno nacional a anuncia cu 450 vivienda di e proyecto ‘Gran Mision Vivienda’ lo ta destina na e damnificadonan di Las Tejerias, estado Aragua.

Den un audio publica pa Union Radio, Nicolas Maduro a indica cu e tabata den contacto cu e famianan cu a perde nan vivienda na Las Tejerias den e inundacion di dia 8 di october, causando morto di al menos 54 persona.

Cardi B a “humilia” homber cu imagen explicito riba album

(AP) - Un homber cu a describi su mes como un “homber di famia” cu un tattoo unico riba su lomba a sinti humilia ora cu Cardi B aparentemente a mal usa su persona pa un imagen di e album explicito segun su abogado durante apertura di e audiencia riba diamars.

Kevin Michael Brophy ta demandando Cardi B pa 5 milyon dollar den un demanda na corte federal di Southern

California. Su abogado a bisa cu Brophy su bida a keda stroba y el a sufri hopi stress pa causa di e album aki den año 2016.

Brophy su abogado A. Barry Cappello a bisa cu a haci uso di un programa pa usa e tattoo riba e lomba di e homber en cuestion pa pone esaki riba e modelo cu ta aparece riba e album su potret, cual a aparece den revista di tatuaje. E imagen ta muestra e homber cu e tattoo riba su lomba cu

su cabes entre e pia di e cantante. E cara di e persona no por ser mira.

Cardi B, ken ta premira cu lo testigua durante e juicio, ta luchando contra di e acusacionnan aki y a bisa cu un artista a usa “un porcion chikito” di e tatuaje sin cu e tabata informa di esaki. Anteriormente el a bisa cu e arte aki, crea pa Timm Gooden, tabata uso transforma husto di Brophy su tatuaje.



Doño di restaurant ta sinti malo pa drama causa cu James Corden



(TMZ) - Doño di New York City cu a critica James Corden pa su comportamiento ta sinti

malo pa e anfitrión di programa nocturno, aunke e ta e persona cu a causa e gran cantidad di critica cu Corden a haya online.

Keith McNally, doño di Balthazar na SoHo, a publica riba su cuenta di Instagram diamars anochi un potret cu su yiu muhe y su amiga na su restaurant, sin embargo e mensahe cu e publicacion ta loke a genera reaccion.

El a bisa cu e ta sinti straño “cu e situacion tocante James Corden”, bisando cu e ta sinti pa ambos banda



di e problema. “E tabata abusivo cu mi empleadonan, sin embargo, mi ta sinti malo pa su persona aworaki. Como tur cobarde, mi kier ambos cos.”

McNally su publicacion a bini despues cu el a retira e prohibicion contra Corden, unda cu a prohibi su persona di bolbe come na e restaurant en cuestion.

Fanaticonan riba internet ta dividi cu e caso aki.

Algun ta defende McNally den su comentarionan definiendo su empleadonan, mientras otroonan ta mira esaki como un manera pa e por yena stoel den su restaurant.

Anteriormente, McNally a publica riba su cuenta di instagram cu Corden tabata abusivo cu su empleadonan riba por lo menos 2 incidente. Asina hopi cu el a sinti su mes hustifica pa revela esaki na publico, un practica cu no ta comun den restaurantnan di nivel mas halto.

Kanye West ta bisa cu e ta desea morto na Hudiunan cu a haci daño na su persona



(TMZ) - Kanye West posiblemente a crea un problema mucho mas grandi pa su persona pa cu su comentarionan anti Hudiunan, bisando cu ora el a bisa e kier bay ‘death con 3’ riba Hudiunan el a bisa esaki tocante e Hudiunan

cu a causa daño na su persona.

E rapper a bay na Piers Morgan su show, y aparentemente el a pensa cu e ta bay ricibi un repencion mas amigabel di loke el a ricibi.



Kanye a ser presiona pa duna comentario riba su remarcanan cu tabata racista, cual e cantante a confirma.

Morgan keda presiona Kanye, ken a bisa cu e tabata papiando tocante e Hudiunan cu a causa su persona daño y e

personanan aki ta e personanan cu ken e kier bay ‘death con 3’. Su unico “disculpa” ta e otro Hudiunan cu no ta merece su ira. Cual ta sigui anti-semitico.

Manera posiblemente ta conoci caba, Kanye a haci co-



mentario anteriormente cu ta tira culpa na na ehecutivonan Hudiu na Hollywood pa e mal trato cu ta duna celebri-dadnan.

Tambe el a papia tocante JP Morgan, treciendo back e acusacionnan cu Hud

Solo Expo Armando Goedgefrag

Un éxito sin precedentes



Durante e fin di siman, Aruba a bisti su mes di gala na momento cu Armando Goedgefrag a demostra su talentonan den su prome Solo Expo, den ArtisA Gallery na San Nicolas.

Un soño cu a bira realidad. Desde chikito e artista Armando a soña cu un dia e lo tin tur loke e ta aspira, mira y kier proteha, pinta riba canvassan grandi. Anochinan sumamente emotivo yena di emocion na unda esunnan cu a respalda Armando durante dos anochi.

Un cena magnifico, exotico, na unda Chef Urvin Croes di Infini, a sa di trece den un menu di 6 salida, e ser

cu ta Armando, combina cu su musica. E prome anochi tabata exitoso y aki ya 7 di 10 obra a troca cas y lo haya nan revelacion riba un muraya serca un propietario nobo y orguyoso. E di dos, mas aun aki e dos aboranan mas granditambe a sa di capta atencion y curazon y a haya nan propietario.

Armando a describi cada pintura desvelando un pa un contando e publico su sentimentonan y tur loke e ta desfila riba e canvass.

E pintura *Aprecia* ta describi un flor di kibrahacha cu ta floria solamente dos bez pa anja, algo cu un persona no por keda sin mira. Den nos bida nos ta experimenta diferente momentonan cu ta di corto duracion, algo cu nos mester admira y aprecia.

Flotando scondi cu describi un shoco cu ta e simbolo nacional riba e canvass capta den un movcion unico na unda e ta habri su halanan.

Lanta Ariba ta e descripcion di su amor pa lama. E buniteza cu ta rondona nos isla den su colornan y textura. Tin bez calmo y otro cu un forza indiscutible. E pintura ta wordo yama *Turqua* cu ta forma tur colornan den blauw.

Cremento ta e *Prikichinan*, Aruba su parha nacional. Tur nan colornan ta wordo desvela mientras nan ta subi nan partida. Durante nos bida tur di nos ta encontra momentonan cu ta duna nos un chance pa crese, p'asina nos por braza e siguiente episodio den nos bida.

Pluma di Oro ta un creacion impresionante. *Hummingbirds of e* blenchi por ser haya tur caminda pero no den e color excepcional cu ta wordo yama *Dornasol*. Una beyeza den colornan oro, corra y berde.

Otro *Oportunidad*, ta e biahe di e turtuga cu ta sumergi cada bez pa haya aire y asina haya un oportunidad mas di bida. Cada bez enfrentando e peligernan pa nan mesun bida. E pintura Armando ta dedica na tur e tortuganan cu a wordo maltrata, a perde nan bida door di impactonan na momento cu e sumergi pa aire. Un di su pasionan e conservacion di e animal aki.

Preserverancia, un descripcion di e trupial y su dadel. Ni maske cuanto espina tin riba e dadel e trupial semper ta haya e forma pa yega cu pasenshi y dedicacion na e fruta.

Lagami Floria, E pintura aki ta parti di e exposicion di Pan Expo na Ate-liers'89. Durante e pandemia di cov-



id, nos e precibi masha hopi cambio, un di nan cu ta di aprecia sigur ta e oportunidad cu naturaleza a haya pa hala rosea y floria.

Arco, Desde e colapso di Natural Bridge, Aruba a perde un di su joyanan principal. Loke poco di nos sa cu tin mucho mas di e joyanan aki scondi na nos costanan. Un sigur, ta e Arco cu ta un desvelo di colornan na momento cu solo subi y ora e baha cambiando di color na cada instante.

Un danki ta bay na Unoca, Prins Bernard Cultuur Caribe y ArtisA. Awor, Armando Goedgefrag ta prepara su mes pa pinta un muraya di mas cu 5 meter durante Aruba Art Fair. Algo sigur cu lo laga un estampa atras di un sensibilidad cu masha poco artista sa di desvela. Pa mas informacion encuanto Aruba Art Fair, November 4.5.6, 2022, bishita nos website Arubaartfair.com of yama nos na 5635904.

Vicky Benavidez a gradua como Bachelor den Organization, Governance and Management (OGM)



Recientemente, Sra. Vicky Benavidez a defende su tesis exitosamente y a obtene su titulo di Bachelor of Arts. Vicky a defende su tesis dilanti di e comision di graduacion cu tawata consisti di dr. Mieke de Droog, decano di Facultad di Arte y Ciencia, Sr. Helmut Vink, LLM, MA y Sr. Daniel Tecklenborg Director di Centro pa Desaroyo Aruba (CEDE Aruba). Ademas tabata presente famia di Vicky, docente di Universidad di Aruba y demas invitado.

E titulo di Vicky su tesis ta "A SWOT Analysis for Non-Profit Social Welfare Orga-

nizations in Aruba to Make More Use of Digitalization.' Vicky a investiga e forsanan, debilidadnan, oportunidadnan y menasanan (SWOT) cu digitalisacion por tin pa fundacionnan na Aruba por implementa mas uzo di esaki.

Cu e investigacion aki Vicky su meta tawata pa obtene informacion di e estado actual di digitalisacion di e fundacionnan cu ta subsidia door di e Ministerio di Asunto Social y Labor, y explora si ta util pa e fundacionnan aki desaroya strategianan hunto cu un vision di SWOT pa implementa mas uzo di digitalisacion. Fundacionnan por haci uzo di e SWOT pa por analisa nan

forsanan, debilidadnan, oportunidadnan y menasanan cu mas uzo di digitalisacion por tin pa nan. Ademas, pa conoce e perspectiva di liderazgo y di administracion riba digitalisacion y pa investiga si tin strategia concreto cu ta existi caba cu ta adresa e necesidad pa haci mas uzo di digitalisacion pa asina logra un mihor calidad pa e servicio publico.

A base di e resultado di e investigacion a propone lo siguiente como recomendacion: un colaboracion ta necesario entre Gobierno di Aruba, Centro pa Desaroyo Aruba (CEDE Aruba), Universidad di Aruba (Aruba Good Governance & Leadership Institute), Setar N.V y futuro investigadornan.

E entidadnan aki por facilita e proceso pa e fundacionnan por aumenta nan uzo di digitalisacion. Por logra esaki door di provee recurso manera; fondo y workshops pa por siña e fundacionnan e habilidadnan necesario cu un aumento den uzo di digitalisacion lo por rekeri.

Un palabra di gratitud ta bay na; coleganan di Universidad di Aruba, e docentenan di e departamento di OGM cu a yuda of guia Vicky como estudiante. Tambe ta gradici e fundacionnan cu a participa na e investigacion aki y esnan pafo di Universidad di Aruba cu a contribui na un manera

of otro na e acontecimiento aki.

Pa mas informacion tocante e estudio OGM, bishita e website di Universidad di Aruba na <http://www.ua.aw/ogm>, e pagina di Facebook @UniversityofArubaOGM y e pagina di Instagram @ogm_ua.

AVISO
APRECIABEL CLIENTE DI ARUGAS,
Diahuebs, dia 20 di oktober, Arugas lo cera 3 pm pa nos team por sigui un training.
Diabierna, dia 21 di oktober nos ta habri normal di 7 am te cu 4 pm nonstop.
Masha danki pa bo comprension.

Ehercicio Internacional Amfibio na Aruba

E ehercicio Internacional ‘Tres Color’ un biaha cada dos aña ta tuma luga, y e aña aki na y den cercania di Aruba. Esaki ta tuma luga di 19 te cu 26 di october. Durante e periodo aki Militarnan Hulandes, Mericano y Frances lo participa na e ehercicio. E aña aki Militarnan di Aruba tambe lo ta parti di e ehercicio aki.



colonan ta referi na e colonan di e bandera di e paisnan historico cu ta participa.

durante cua ta practica un diversidad di scenarionan militar.

Tres Kolos (tres color) desde 2010 ta conoci bou di e nomber aki. E tres



E ehercicio ta consisti di un parti di competencia di actividadnan Militar y un parti cu ehercicionan tactico.

E parti competitivo ta consisti di caracteristicanan tal manera un marcha rapido, un careda di awa cu obstaculonan, un crusada amfibio, tiramento, y asignacionnan di nabegacion.

E parti tactico ta consisti di diferente ehercicio,

Tur e actividadnan cu ta eherce durante e Tres Kolos ta actividadnan particularmente desafiante. Den esakinan habilidadnan militar y fisico ta aborda na gran medida, pa asina laga lo miho sali bin ariba den e ekiponan den terminonan di deportivismo, cooperacion, integracion y competencia. Meta di e ehercicio ta pa consolida y desaroya aun mas, y sigui engrandece e relacionnan mutuo entre



e diverso ekiponan di forsan arma. Esaki ta pa nan ta ainda mas miho prepara pa e desafionan

cu Region Caribe ta trece cune. Tal manera yudansa di emergencia durante pasashi di un horcan.

Dos auto ta accidenta na Paradera

Un persona a keda levemente herida



Diaranson mainta riba e caminda di Paradera a sucede un accidente unda tres auto tabata envolvi na e T-weg pa bay Rooi Afo.

Aki un Ford, un Suzuki Alto y un pickup tabata envolvi.

Debi na e impacto un persona a keda levemente herida. Polis di trafico tabata presente pa tuma dato.

Personal di ambulance a atende cu e persona levemente herida.

Cinco hoben deteni pa bringa formalmente cu un persona na Sabanilla Abou



Diamars atardi na un cas na Sabanilla Abou a surgi un problema unda grupo di cinco hoben, entre nan menor di edad, a yega un cas y a cuminsa bringa formalmente cu un

homber, lagando e herida. Polisnan a presenta di biha na e cas y mira e situacion. Ambulance tambe a presenta pa atende cu e homber herida.

Polis a tuma dato y notifica recherche di e caso. A bay na un cas poco mas pabao den Sabanilla Abou y a detene e cinco hobenan, den nan menor di edad, pa maltrato serio

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Declaracion di Free Zone Aruba N.V

Recientemente informacion incorrecto a sali den prensa tocante e cuentanan annual di Free Zone Aruba N.V.

FZA NV ta lamenta cu e informacion aki a wordo treci dilanti sin cu a verifica nada.

Esaki lo por tin consecucionan negativo pa pais Aruba internacionalmente den e plataformanan di FATF y CFATF y esaki tambe por tin consecucionan negativo pa e imagen di e clientenan di FZA N.V. Free Zone Aruba N.V. ta haña su mes obliga di saca e siguiente declaracion:

E responsabilidad di un "Registeraccountant" ta di tal modo, planea y ehecuta un encargo di control, cu por medio di e control aki e por obtene suficiente informacion pa e por forma y duna un opinion professional. E control di accountant mester



wordo realiza professional y critico y unda ta relevante e lo aplica opinion professional den acuerdo cu e normanan di control di Hulanda, exigencianan etico y independiente. Tur e cuentanan annual 2012-2019 di Free Zone Aruba NV a wordu controla dor di De Kort registeraccountant, y tur e cuentanan

aki a ricibi un declaracion di aprobacion (na hulandes: "een goedkeurende verklaring").

Banda di e echo cu Sr. De Kort ta un registeraccountant e tambe tabata director di e Centrale Accountants Dienst "CAD" di pais Aruba.

Cada aña e rapportnan di Sr. De Kort ta wordu trata den hunta di comisario di Free Zone Aruba N.V. bow di liderasco di mr. Johan Sjiem Fat, Presidente Comisario di FZA N.V.

Despues di aprobacion di e cuentanan annual pa e hunta di directiva, copianan ta wordu manda pa: E minister rel-

evante, Centrale Accountants Diensten (CAD), Algemene Rekenkamer Aruba (ARA), Directie Financien, Kamer van Koophandel, y Centrale Bank van Aruba.

E accionista na su turno ta aproba e cuentanan annual local a sosode cu e minister actual cu ta encarga cu Free Zone Aruba N.V. esta Sr. mr. Geoffrey Wever, Minister di Asuntunan Economico, Comunicacion y Sostenibilidad.

Terminando FZA NV ta spera cu medianan di prensa den futuro ta averigua prome cu trece informacion incorrecto.

Potret Riba e potret adhunto por mira na man drechi: Drs. Greg Peterson, Director di FZAN.V. y na man robes: Drs. Franklin de Kort, Register Accountant di Free Zone Aruba N.V.

Robert Arends: Porcentahe di AO den gobierno mucho halto?

Cu letternan AO - den mundo di trabou - ta indica e palabra Hulandes "Arbeid Ongeslacht" loke na Papiamento popular kiermen "malo y no por traha"!

Ora un empleado ta malo cu e no por traha y e trabou tin cu sigui, un otro empleado mester haci e trabou. Como cu e otro empleado tin su mesun trabou cu tin cu sigui tambe, den hopi caso - pa trabou no para - ta paga un empleado extra ora ("overtime") pa trabou por sigui di forma normal.

Ta resulta - segun info den prensa - cu e porcentahe di AO den servicio di Gobierno (= sector publico) ta considerablemente hopi mas halto cu den sector priva (= otro cu Gobierno). E consecuencia ta cu, ora no tin empleado di reserva, mester paga "overtime" (extra gasto pa Gobierno), pa e trabou wordo haci y pa no crea retraso den trabou.

Na Aruba e instancia encarga

cu constata/controla/registra e cantidad di AO den sector priva (= otro cu Gobierno), ta Sociale Verzekerings Bank (SvB) di Aruba. Den sector publico (= Gobierno) no tin un instancia special apunta/encarga cu constata/controla/registra e cantidad di AO di ful e aparato di Gobierno.

Kizas ta recomendabel pa encarga SvB - contra pago - tambe cu sector publico (=gobierno)? Lo por logra miho "estadistica" pa cada ministerio / pa cada sorto di trabou / pa warda y no-warda / etc etc y asina busca solucion dirigi y no general!

Gobierno tin reglamento tocante AO pa empleadonan publico y cada servicio/departamento ta aplica e reglamento ey na nan forma sin control di un instancia "neutral", consecuentemente por tin maluso di AO pa asina paga un colega "overtime" na un forma exagera.

Den practica ta resulta - segun info den prensa - cu ni

e placa presupuesta pa paga "overtime" no ta suficiente. Pues AO a bira para bira un problema financiero grandi pa Gobierno, pasobra Gobierno no tin un instancia apart cu ta constata/controla/registra di forma neutral e situacion di AO di empleadonan publico y consecuentemente por presenta maluso di AO pa beneficia colega pagando di mas "overtime".

Conociendo e influencia politico den maneho di Gobierno, ta necesario pa Gobierno encarga y paga un instancia "neutral" (SvB?) cu por constata/controla/registra y trece solucion den casonan cu tin maluso di AO.

No pasobra ta paga hopi "overtime" den un servicio/departamento mester conclui cu tin maluso di AO.

Por ta hopi bes - cu pa motibo financiero - no tin suficiente empleado pa haci cierto trabou.

Un instancia "neutral" (SvB?) los di Gob



Solicitud pa un Secretaria di Dentista

Requisito pa aplica ta:

- Diploma di Economia of conocimiento pa maneho di Oficina
- Minimo 1 aña di experiencia
- Edad di 25 pa 40 aña
- Mester por papia y scribi e idioma Papiamento, Hulandes, Ingles
- Referencianan di trabou anterior

Pa aplicacion por manda bo C.V. na email:
arubaorthodonticclinic@live.com

BMW lo inverti 1.7 biyon dollar den cambio na vehiculo electrico



(AP) - BMW lo inverti 1 biyon den su fabrica na Spartanburg, South Carolina, pa cuminsa produci vehiculonan electrico ademas di 700 miyon dollar pa crea un planta di bateria rond di e area.

E fabricante di auto Ale-

man su anuncio diaranson lo refleha su promesa pa cu e transicion na vehiculonan electrico su produccion den Norte America, den linea cu plannan ambicioso di otro fabricantenan di vehiculo.

E inversion den e fabrica di 7 pia cuadra na Greer, lo agrega

un cantidad di trabao cu te ainda no a ser especifica pero ta priminti cu lo agrega un cantidad di trabao cu te ainda no a ser revela na e mas di 11,000 empleado aki.

E Planta di bateria, cual lo ser construi na Woodruff, lo duna trabao na 300 per-

sona, cu e prome personanan drentando e trabao den e proximo añanan binidero. Ademas, BMW a bisa cu el a firma un trato cu Envision AESC di Hapon pa duna un suministro di bateria pa un clase nobo di por lo menos 6 SUV electrico cu lo ser construi na e planta den Greer pa

aña 2030.

Envision lo crea su fabrica nobo den un sitio cu no lo ser especifica na South Carolina. E companianan no a bisa cuanto persona lo ser contrata. Sin embargo e cantidad di persona cu lo haya un trabao por ta uno significante.

Advertorial

SETAR lo bende iPhone 14 cu SIM



SETAR recientemente a ricibi varios pregunta di su clientenan tocante e SIM di iPhone 14, cual Apple a lansa recientemente. Pa aclarea esaki, SETAR ta desea di duna un splicacion pa e usuarionan di Apple cu ta interesa den nan modelo di celular mas nobo.

Apple a lansa e iPhone 14 den diferente version. Tin version di iPhone 14 cu tin SIM regular, igual na e iPhonenan cu Apple a lansa anteriormente. Esaki Apple lo distribui rond mundo, entre otro pa Aruba.

Pa e mercado local di Merca a lansa un modelo special di iPhone 14 cual ta traha solamente cu e tecnologia di E-SIM. Esaki ta un tecnologia nobo cu no ta adopta ainda rond mundo, y na Aruba tampoco. Pa es motibo iPhone 14 cumpra den tiendanan di Apple na Merca no lo traha por lo pronto na Aruba. SETAR y otro companianan local lo bende e version di iPhone 14 cu ta haci uzo di SIM regular.


SETAR lo anuncia asina cu ta inicia benta di iPhone 14!

Cuerpo policial a recupera mas di 150 codigo pa desblokia informacion horta

(NLTimes) - Cuerpo policial a obtene mas di 150 codigo pa desblokia sistemanan di computer afecta pa ransomware, cual ta un tipo di virus cu ta lock un dispositivo te ora cu paga un suma na criminalnan.

Pa medio di estafa un grupo criminal, cuerpo policial a logra libera e computer di tur victima Hulandes cu a entrega un keho, segun cuerpo policial.

Cuerpo policial a bisa cu nan a horta e "codigonan" for di Deadbolt, un grupo criminal cu ta distribui ransomware. Cuerpo policial su ekiponan di crimen cibernetico a transferi bitcoin na e criminalnan como pago, pero a retira e placa aki na momento cu nan a ricibi un codigo. Segun polis, 20,000 dispositivo mundialmente tabata wanta




como rehen pa Deadbolt su programacion, di cual por lo menos 1,000 ta na Hulanda.

Tur victima Hulandes cu anteriormente a reporta e ransomware awo a ricibi ayudo, segun cuerpo policial. E number exacto di personanan involucra te ainda no a ser revela. "E accion aki claramente ta muestra cu reporta ta yuda, victimanan cu a reporta e ransomware a ricibi prioridad," Matthijs Jasper di e

ekipo di crimen cibernetico a bisa. "Nan yabi tabata entre e prome 5 cu nos a ricibi, prome cu panico a cuminsa drenta den e grupo aki."

Codigonan tambe a ser duna na e victimanan fuera di e pais, segun cuerpo policial. "Cu e yabanan aki, documentonan manera potretnan of administracion por ser desblokia, sin cu a costa e victimanan placa."

Pa ricibi e codigonan aki, cuerpo policial Hulandes a coopera cu Public Prosecution Service, Europol, Cuerpo policial Frances y Gendarmerie Frances. Cuerpo policial Hulandes a ricibi un pista pa cu e metodo pa ricibi e yabanan aki for di e compania di siguridad cibernetico Responders.NU. Riba e compania aki su sitio web, e victimanan por mira si a ricibi nan codigo.



Exitoso Prome Curso Nacional di Arbitro y Coach di Aruba Karate Bond

E tabata un momento historico den e trayectoria di Aruba Karate Bond (AKB) ora cu riba diahuebs 13 di october 2022 e prome curso nacional pa arbitro y coach a wordo duna. Esaki a tuma luga na Hyatt Place Business Center den un esfera hopi agradabel y positivo.

Directiva di Aruba Karate Bond, bou presidencia di Felix Tromp, ta felicita instructor "sensei" Gustavo Velasquez pa su tremendo aporte pa prepara y duna e curso na un total di 16 participante. E participantenan ta miembro di AKB di e organisacionnan SKIF Aruba, RyuBuKai Aruba y Shotokai Aruba, esta Shawn-Carl Solagnier,



Tiana Tromp, Juan David Velasquez, Genesis Tromp, Jeshua Mejia, Olga Guaitarilla, Mariana Rodriguez, Edith Shaw Vargas, Bachera Marin, Andrés Piña, Lipika Motwani, Frederik Quandus, Jean Pierre Winterdaal, Jesus Calderon, Kyran Tromp y Zillion Brugés.

E curso aki a abarca tur e reglanan di e Organizacion Mundial di Karate (WKF). Tambe e curso a inclui diferente tips pa 'kumite' (combate entre karatekanan) y 'kata' (tecnica di karate y combate imaginario) dividi bou di e funcion di sea arbitro of coach. E curso a keda finalisa pa me-



dio di un examen unda 4 participante a slaag como arbitro, 9 como coach y 3 ta di seleccion (Jeshua Mejia, Kyran Tromp y Zillion Brugés) kende a participa como un prueba (midimento) di nan conocimiento teorico pa asina nan ta bon prepara ora di participa na campeonatonan.

Directiva di Aruba Karate Bond ta felicita tur participante y ta informa cu nan ta den preparacion pa e dia special unda lo haci entrega di e certificadonan. Finalmente, directiva ta gradici su grupo di boluntario cu semper ta yuda pa ehecuta e tipo di eventonan aki.

Panam Sports ta reconoce Aruba como Pais Revelacion di e Weganan Sur Americano 2022

Premio Panam Sports Pais Revelacion Asuncion 2022: Aruba.

"E pais chikito y bunita aki situa den Caribe cu un tiki mas di 100 mil habitante a bini cu un delegacion chikito di apenas 12 atleta a bira e berdadero sorpresa di e Weganan Odesur. Aruba a sa na obtene un logro historico den e Weganan Sur Americano ganado 3 medaya di Oro y 3 medaya di Plata, esakinan den bowling, landamento y bela", asina 'ki Panam Sports a anuncia Aruba den nan Panam Sports Award 2022.

Esaki sin duda tabata un mo-

mento di emocion y orguyo pa nos pais y nos delegacion na Asuncion, Paraguay. Nunca antes Aruba a logra obtene asina hopi medaya den un Wega Sur Americano/ODESUR. Es mas nunca, Aruba a logra gana un medaya di Oro den e Weganan Sur Americano/ODESUR mientras awor nos a gana tres Oro den un solo wega grandi. Pa e deportenan di Bowling y Landamento esaki tabata historia ya cu ta nan prome medaya di Oro den un Wega Sur Americano/ODESUR. Pa e deporte di Bela e medaya di Plata tabata e prome pa e deporte acuatico den un Wega Sur Americano/ODESUR.

Por ultimo, ARUBA como pais ta logra un di 10 lugar overall riba e tablero final cual ta e clasificacion mas halto obteni pa nos pais den un Wegan Sur Americano/ODESUR.

Panam Sports ta e organizacion cu ta representa e 41 Comite nan Olimpico Nacional di henter e continente America.

Pabien super grandi na henter nos delegacion di Aruba pa e magnifico dos siman di alegria cu Aruba a biba cune!



Rey por bay cu delegacion Hulandes na Mundial na Qatar



(NLTimes) – Hulanda ta bay manda un delegacion gubernamental pa atende e Mundial na Qatar, segun minister di Relacionnan Exterior, Wopke Hoekstra a bisa den un carta na Parlamento. Esaki ta nifica cu rey Willem-Alexander tambe por atende e evento.

Hoekstra a bisa cu e intencion di manda delegacion gubernamental manera ta custumber na eventonan deportivo mayor ta pa curasha e team nacional Hulandes.

"E Gabinete a opta pa cooperacion cu Qatar cu bista riba cambio sostenible."

Den pasado, rey Willem-Alexander y otro miembronan di famia real frecuentemente a atende partidonan di Mundial of otro eventonan deportivo.

Esey ta bay contra deseonan di Tweede Kamer. Un mayoria Parlamentario no tabata kier representantenan di gobierno na Mundial, mirando e abusonnan di derechonan humano na e pais.

Siman pasa, Tweede Kamer a pasa un mocion urgiendo prome minister Mark Rutte, rey Willem-Alexander y otro miembronan di e Gabinete pa keda leu di Qatar.

Segun organisacionnan di derechonan humano manera Amnesty Internacional, miles di trahado migrante a fayece construyendo stadionnan di futbol y otro infraestructura pa Mundial na Qatar.

Hoekstra a bisa cu e Gabinete "a considera e mocion aki" y a consulta cu su partnernan

internacional y organisacionnan di derechonan humano prome cu dicidi pa bay Mundial toch.

Segun e minister, Qatar ya a mehora su situacion di derechonan humano den hopi respecto, y consulta cu e pais riba e asunto aki ta andando.

Prome cu weekend, Hoekstra tambe a bisa cu estado petrolero Qatar ta un partner demasiado importante den e crisis di energia actual pa gobierno Hulandes boycott Mundial.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Prome Minister Evelyn Wever-Croes (MEP) ta felicita Scouting Aruba cu instalacion di nan Hoofdcommissaris y directiva nobo

Diasabra ultimo, Prome Minister Evelyn Wever-Croes tabata invita pa e Comision Nacional di Scouting pa ehecuta e instalacion di Hoofdcommissaris di Scouting Aruba sr. Christopher Lake, sigui pa instalacion di e directiva cu lo dirigi Scouting Aruba pa e siguiente 3 añanan.

Na comienso di su discurso, Prome Minister a gradici e Comision Nacional di Scouting Aruba pa e invitacion ricibi y pa dun'e e honor di por ehecuta un biaha mas e instala-



cion di e Hoofdcommissaris pa Scouting Aruba.

Tambe Prome Minister a felicita y gradici tur miembro

presente pa ta forma parti di un organisacion asina importante. E organisacion aki ta invertiendo den formacion di persona, como futuro lider-



nan cu ta desaroya nan habilidad di por ta social, creativo, deportivo, spiritual pero principalmente ciudadanonan responsabel.

Aruba mester di ciudadanonan fuerte y sano pa hiba Aruba dilanti como hende cheemplar den pensamiento, actuacion y cu por carga responsabilidad. Ademas ta spera cu tur verkenners y explorers a disfruta di un dushi campamento di JOTA/JOTI (Jamboree On The Air y Jamboree On The Internet) y cu a logra comunica cu hopi scout rond mundo manteniendo contacto y formando amistadnan nobo.

Gobierno di Aruba ta desea e Hoofdcommissaris cu su di-

rectiva nobo cu a caba di wordo instala hopi exito den nan funcion y tarea pa e proximo 3 añanan, como e dirigenten di e organisacion unificada di Scouting Aruba.

Tambe ta gradici tur lidernan scout presente pa tur e amor, cariño y tempo cu nan ta dedica na forma nos muchanan. "Cada un di boso ta mira e importancia pa ta un lider boluntario y ta inverti hopi tempo liber den forma nos futuro lidernan. Mi ta gradici boso den nomber di henter comunidad y ohala por tin mas adulto cu ta mira e importancia pa ta un lider scout pa sigui hiba Aruba dilanti, formando nos lidernan di futuro." Prome Minister a expresa.



Lider di partido Curpa, Eric Ras

Partido Curpa no lo cansa pa denuncia mal maneho cu ta perhudicando pueblo

Nos por corda cu den porta di misa nos prome minister a bisa un mama cu su yui lo no wordo kita for di trabao. Wel no a dura mucho paso su siguiente siman e director a bay su cas. Si den porta di misa mes ta lansa mentira con nos por pone nos confiansa den un prome minister asina.

E mesun promer minister a bay gobernador entrega retiro di su gobierno pa via di parlamentario Howell. For di mei 2021 ela haya un email caminda a hasi un apelacion na promer minister pa kita e minister plenipotenciario paso e no ta integro. Con un hende asina por papia di integridad si e ta un mentiroso! E palabra di Dios ta bisa laga bo si ta si y bo no ta no. A firma yen di acuerdo pero no ta cumpli cu nan. E gobierno aki a yega na un punto cu ya no ta possible pa negocia cu'ne paso si acuerdonan firma mes e no ta respetata.

Nos di partido Curpa ta sigui kere cu hopi mas acto di corrupcion lo sali na claridad. A sconde e rapport di

Algemene Reken Kamer, Central Accountant Dienst pa locual cu ta trata e mal maneho di parti di ex minister di Asuntonan Social. Esun di Arubahuis lo sali cualkier momento na luz di dia. Esaki mester ta señal cla cu trahadornan den nos gobierno y otro caminda lo no sigui tapa malversacion cu ta tuma lugar den nos gobierno.

Den periodo cortico 4 minister a sali pa Washington, Surinam, Ecuador y pa India malgastando placa di pueblo. Nos minister di husticia ta esun cu ta bay mas leuw esta te na otro banda di mundo pa un conferencia di Interpol. Anto e ta bay cu un delegacion cu lo costa pueblo basta placa. Nos por a tende cu e minister di husticia cu tabata polis no por ni regla posicion huridico di polisnan cu mester ricibi nan promocion. Tin casonan na granel contra di gobierno pa via di un maneho cu gobierno a bin cu n'e for di aña 2018 y cu te aña pasa a wordo manda parlamento. Gobierno a perde tur e casonan aki y tin cu te dia di awe aunke dwangsom riba dje gobierno no a honra. Nos ta den un

tempo dificil y nos tin gobierno comunista cu ta trapa riba derechonan di ambtenaarnan. Tur cos ta muestra cu esnan den gobierno kier probecha paso e fiesta ta yegando su fin. "El ultimo viahe de despedida".

E gobierno mentiroso aki a garantisca cu Respaldo lo haya fondo pa sigui opera, pero awor a sali na cla cu Respaldo ta cera departamento pa via cu no tin fondo. Awor esnan den Respaldo ta riba caya. Tin hopi keho pa motibo di eigen bijdrage ora di busca remedinan cu no ta un poco placa. Punto 3 di metanan di desaroyo sostenibel ta papia di salud y bienestar. Ki bienestar bo kier papia di dje si un parti grandi di adultomayor tin poco recurso, paso mester biba di un solo pensioen corda pa bay paga pa nan remedi. Parse cu gobierno su maneho aki kier deshasi di nos grandinan paso nan ta considera nan un carga. Tur paisnan cu ta pusha e metanan di desaroyo sostenibel Agenda 2030 ta hiba mesun tipo di maneho cu 1000% no ta na bienestar di pueblo. Francia a declara welga general dia 18 di octo-

ber 2022.

Na Spaña, Alemania y Hulanda pueblo ta cansa di un gobierno dictatorial. Imperionan socialista ta bin abao y gobiernonan lo bai cas. Aruba lo no ta un excepcion. Rond mundo paisnan a haya debor di partidonan politico cu ideologia social. Nan no tin nada social sino nan propio beneficio y Aruba no ta keda atras.

No sconde tras di casonan di P. Croes y di Sievinger pa tapa locual cu a pasa den salubridad, den asuntonan social, Arubahuis, Eagle LNG ect. Saca e balki for di boso wowo y mira den boso propio seno. Nos tin un parlamento cu no ta funciona y ta complice den gobierno su maldad. No gaña boso mes, Dios no ta laga boso hasi bofon di Dje pasobra locual cu boso sembra, esaki tambe lo boso cosecha. Partido Curpa ta e unico cu ta contra di e metanan di desaroyo sostenibel Agenda 2030 cu ta no ta sostene ningun hende sino nan propio un beneficio. Laga nos lucha pa nos libertad.

Bista Politico ta un seccion di *Bon Dia Aruba* specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di *Bon Dia Aruba* y ta pa responsabilidad exclusivo di e organizacion/individuo cu ta ofrece esaki pa publicacion. *Bon Dia Aruba* ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di *Bon Dia Aruba*.

BISTA POLITICO

Parlamentario Ricky Hoek (MEP):

36 mil hende y comercio ganando cu plan fiscal nobo

Gobierno di Aruba a presenta ultimamente un plan fiscal nobo cu lo drenta na vigor riba prome di januari 2023.

E plan fiscal nobo lo beneficia un minimo di 36 mil hende y comercio. E plan fiscal nobo aki ta netamente pa yuda tanto e pueblo y comercio bai padilanti den nan forza economico, di compra y di ganashi.

Deduccion di impuesto general

Entrante 1 di januari 2023, tur persona ta haya un deduccion di 30 mil florin den impuesto riba nan entrada. Esaki ta conduci cu bo lo keda cu

mas di bo salario pa bo mes.

Bahada di tarifa riba impuesto di entrada

E tarifa di impuesto riba entrada (inkomstenbelasting) ta baha cu 2% pa tur hende entrante prome di januari 2023. E bon noticia ta cu bo lo mester paga menos belasting y resta mas cen pa bo mes.

Reparatie toeslag pa pensionado

Nos grandinan cu ta disfrutando di nan pensioen, lo ricibi un aumento di 45 florin adicional tur luna na reparatie toeslag. Esaki ta un total di 540 florin pa aña caminda nos pensionadonan ta keda yuda financieramente.

3% Di aumento di pensioen per direct

No obstante cu tur pensionado lo ricibi un reparatie toeslag mensual na januari 2023, e bon noticia ta cu per direct, aworaki mes, tur pensionado lo ricibi un aumento di 3% di nan pensioen.

Bahada di impuesto riba pensionadonan casa

Pa e pensionadonan cu ta casa, entrante 1 di januari 2023 e impuesto di entrada riba pensioen di pareha casa lo baha. Lo bai over na e sistema di calcula e impuesto separa. Esaki ta haci cu e cobranza di impuesto lo ta menos pisa pa e pensionadonan casa.

Winstbelasting lo baha

Cu e plan fiscal nobo aki, comercio lo conoce un bahada di impuesto di ganashi di compania. E 'winstbelasting' lo baha for di 25% pa 22% y esaki ta un bon noticia pa comercio, cu lo por wak un margen di ganashi mas grandi den nan compania. Asina tin mas espacio pa por inverti tambe den nan propio negoshi.

36 mil persona cu entrada lo beneficia

Un minimo di 36.161 persona cu tin entrada lo beneficia di e plan fiscal nobo. Na momento cu aña nobo 2023 habri, 36.161 persona lo no mester paga impuesto di en-



trada mas. E bon noticia ta cu nan poder economico y poder di compra lo bai padilanti y tin mas espacio financiero.

Di e forma aki gabinete Wever - Croes II ta stimula un scala grandi di personanan di diferente nivel den nos sociedad y tambe comercio den nan poder economico.

Parlamentario Ryçond Santos do Nascimento (AVP)

Prome Minister no por laba man di cosnan malo cu su gobierno ta haciendo



Na momento cu pueblo a haya su recibo di awa y coriente luna cu a pasa, por bisa cu e recibonan aki, no ta gaña ya cu nan ta muestra e realidad di prijs di awa y coriente na Aruba. Parlamentario pa fraccion di AVP, Ryçond Santos do Nascimento a muestra cu e prijsnan aki tambe tin su impacto directo riba tur otro aspecto di bida di ciudadanonan: "E ta un realidad di bida y esaki no tabata algo cu nos mester a pasa dor di djé.

Esaki ta resultado di mal maneho y locual Pueblo por a mira di parti di Minister Glenbert Croes, como man-

datario di MEP y di e gobierno actual, ta simplemente un desaster.

Locual tur hende por a mira ta nepotismo. Pueblo por a mira con un gobierno kier a kita hende for di trabou pa pone 'friends and family' den puestonan clave. Ora cu e hendenan di confiansa di gobierno ta den e posicionnan clave, nan ta domina e companianan estatal. Tur hende por mira cu ta un maneho politisa.

Esey ta e realidad cu pueblo di Aruba ta bibando na e momentonan aki. Loke pueblo a haya pa mira ta por ehempel, un partido MEP cu a

campaña cu e no lo 'hedge' y pa e decision y motibo ey, na aña 2022, a obliga WEB di absorba tur sla di costonan di energia. Esey a pone e compania na peliger pero e problema di mas grandi a bira cu dado momento WEB no por a wanta esaki mas y resultado di e maneho aki, Pueblo ta mira den su cartera cu cobranza di awa y coriente.

Esey ta e realidad anto awor WEB ta emiti un comunicado di prensa cu ta bisa cu ta hedge pa proteha contra posibel aumento di prijs di combustibel y pa limita perdida pa aña 2022. Pero tin cu señala aki, cu aña 2022 a bay laga nos caba. E perdida tabat'ey caba y e perdida ta na miyones. Anto kende ta paga pa e perdida aki? Abo, nos Pueblo. E ciudadano ta paga pa e perdida aki.

Ken ta sufri esaki?

E ciudadano ta sufri esaki y mientras tanto nos por wak un maneho cu no ta sorprende ningun hende: Ora cu wak Glenbert Croes, ora cu wak e trayectoria di e minister aki, e menter aki desde inicio di su carera como politico a hinca friends and family den politica. Desde comienzo di su carera politico e tabata den dealnan straño. Por wak den rapportnan di Algemene

Rekenkamer. Nan ta muestra con el a maneha y ora cu check den historia, tin cu wak di unda e dicho di e postema a Sali.

Di con esaki a bin?

Ora cu a wak un minister cu a haya un sentencia pa motibo cu el a viola e ley di comptabilidad, esey ta Glenbert Croes. Anto awe locual nos ta wak ta un minister cu ta perdiendo caso tras di caso den Corte pa motibo cu ta viola leyman, ta viola derecho, pasobra e not a worry cu base legal. Anto pa e motibonan ey, Pueblo por mira un desaster unda cu e menter aki ta hinca su man.

Na final di dia e cosnan aki ta costa placa. Si nos mira por ehempel e ayudo di FASE, cu riba su mes tabata un ayudo pa e ciudadano cu nos tur a para su tras. Pero ora fraude ta tuma luga cu FASE, pa motibo cu e minister aki ta comete mesun eronan cu e tin 20 aña ta haci caba, esaki ta algo cu nos no por carga mas. No por sigui di e forma aki mas y tog pueblo por wak cu tin un minister cu no ta siña su lesnan.

Sin embargo e parti mas malo ta cu tin un Minister President cu tabatin e cartera, cu Glenbert tin awe, anto ta e

Minister President a set up henter e maneho energetico aki. Pues Evelyn Wever Croes no por laba man tampoco di locual ta sosodiendo. Mescos cu e no por laba man pa loke a pasa na Arubahuis. Mescos cu e no por laba man pa tur e desasternan cu a bin ta pasando den gabinetenan Wever Croes I y II. Pakico? Pasobra a haci demasiado propaganda cu integridad, a haci mercadeo cu integridad, manera por mira potret bunita di Bureau Integriteit riba facebook, masha bunita, pero na final di dia e profesionalismo den e aparato gubernamental no a bin.

Inversionnan den e aparato, pa hisa e calidad di gubernacion na Aruba, no a bin. Mescos cu inversion pa mas transparencia den Parlamento, no tey.

Nos di AVP a pidi reunionnan publico pero e coneccion entre Parlamento y gobierno actual ta asina estrecho, cu ta gobierno ta dicta si nos ta haya un Reunion Publico, Openbare Bijeenkomst of un Commissie-vergadering. Ta na Cocolishi ta wordo dicidi si e reunionnan aki por wordo yama of no", Parlamentario Ryçond Santos do Nascimento a trece dilanti den conferencia di prensa.

Parokia di Dakota ta informa

Grupo Apostolado San Hudat Tadeo di parokia Birgen di Fatima na Dakota ta tene nobena di 19 di october 2022 te cu dia 27 di october 2022. Y fiesta di San Hudat Tadeo ta dia 28 di october 2022.

Grupo San Hudat Tadeo di Dakota ta invita tur devoto na San Hudat Tadeo pa asisti sin falta na e Nobena na honor di San Hudat Tadeo - Santo y Abogado di Asuntonan di Desesperacion, cual Nobena lo inicia riba diaranson 19 di october 2022 pa 6 or y 15 p.m. y ta sigui asina te cu diahuebs 27 di october 2021; riba diadomingo 23 di october e nobena lo ta 5 or y 15 p.m. E nobena aki lo tuma luga den Misa Birgen di Fatima. Su Fiesta ta diabierna 28 di october 2022.

Pues tur devoto na San Hu-

das Tadeo y Pueblo di Aruba en general ta keda cordialmente invita pa asisti sin falta na e nobena aki, ya cu Hesus mes ta bisa unda cu tin 2 of mas reuni den Su number, ey mes E lo ta memey di nan y presente pa scucha nan oracionnan, cu lo wordo seguramente scucha.

Ta bolbe ripiti cu: Fiesta di San Hudat Tadeo, conhuntamente cu San Simon, lo ser celebra diabierna 28 di october 2022 cu un Santo Sacrificio di Misa Solemne pa 7 or di anochi.

Nos kier a enfatisa si cu lo tin un Santo Rosario na nos Reina di Santisimo Rosario, nos Mama Maria, como ta luna di October, pa 6 or y 15 p.m. prome cu e Santo Sacrificio di Misa.

Nos kier a recorda e pueblo

di Aruba cu Santonan ta wordo venera y no adora. Ya ta 60 aña caba cu e Nobena, y fiesta na honor di San Hudat Tadeo ta wordo celebra na Parokia di Birgen di Fatima, na Dakota. For di 1962 te cu 1996, esta e prome 35 añanan bao direccion di nos defunto keri sra Tula Pablo y for di 1997 e Nobena, durante cual tambe Triduo a wordo organisa, a sigi bao direccion di e debotonan di nos dushi Santo, esta San Hudat Tadeo. (1962 – 2022 ta 60 aña).

Nos ta desea di reitera: Hesus ta e unico Dios-hende y Mediador di e Aliansa Nobo. Ta ún Dios so tin y ún mediador entre Dios y nos, esta e hende, Hesus Cristo (1 Timoteo 2,5), pero mas leu nos ta lesa den Efesionan 3, 14-18: “Si, p’esey mi ta dobla mi rudia dilanti di Dios Tata, cu

a duna Su comunidad den Cielo y riba tera nan existencia y number. Mi ta pidi’E pa Su rikeza glorioso y pa medio di Spirito Santo.

E fortalece boso cu poder den profundidad di boso ser. Y mi ta pidi pa Cristo biba den boso curason pa medio di fe, esey sea boso fundeshi. Di e manera ey boso lo ta capaz di compronde, hunto cu tur e fielnan, con largo, hancho halto y profundo e amor di Cristo ta.” Cielo, cu a haya nan santificacion caba, pasobra: “reconoce anto boso picanan y resa uno pa otro pa

boso wordo cura.

Oracion di hende husto por haci hopi.” 1 Timoteo 2,1-2: “Mi ta gradici Dios, Kende mi ta sirbi cu un consenshi limpi., manera mi mayornan a siña mi y mi ta corda riba bo cada momento, di dia y anochi, den mi oracionnan”. Comentario: “Si Dios mes ta contento ora nos ta resa un pa otro, e santonan, cu ta perfecto den amor, sigur mester resa pa nos.”

Na number di Grupo San Hudat Tadeo Dakota, Ida Croes, 594 4144

Celebracion di fiesta patronal di parokia San Juan Pablo II

Di 17 te cu 21 di october clero ta den exterior pa un retiro, esey ta haci cu ta bay tin un triduo (triduum) pa e preparacion di e fiesta patronal di Parokia San Juan Pablo II na Tanki Leendert.

Pastoor Jan Gospodarczyk di parokia San Juan Pablo II, conhuntamente cu Pastoral Hubenil Aruba tin e siguiente informacion pa tur parokiano y pueblo di Aruba en general.

Diahuebs dia 20 di october e prome dia di triduo ta 5:45 pm (Alpha y Omega) y santa misa 6:30 pm, diabierna dia 21 di october e di dos dia di e

triduo ta 5:45 pm (Shalom) y santa misa 6:30 pm y diasabra dia 22 di october e di tres dia y ultimo dia di e triduo ta 5:15 pm (Team TL) y santa misa 6:00 pm.

Diadomingo 23 di october ta e gran celebracion di e fiesta patronal. Pa 7:30 am ta bay tin un rosario bibo na encargo di e hobennan cu ta preparando nan mes pa e Jornada Mundial di Hubentud di otro aña, cu lo tuma luga na Portugal. Y pa 9:00 am ta bay tin e misa solem.

Despues di e santa misa, e celebracion ta sigui cu un brindis na honor di San Juan Pablo II, “E Papa di Hobennan”.

| Resultado Sorteo october 19, 2022 | | | |
|---|---------------|-------------------|------------------|
| Cadena Alexander Lottery ta presenta resultado di weganan di suerte | | | |
| DIARIO | KORSOU | SUPER4 | FLAMINGO |
| 5765 | 5953 | 9352 | 2817 |
| 8736 | 1039 | SUPER5 | 1237 |
| 7195 | 8688 | - | 5687 |
| MERDIA | ANOCHI | | |
| | | | 02-04-11-30-32 |
| Sorteo # 3714 | Sorteo # 7770 | Sorteo # 2329 | Joker 1 Letter F |
| 0171 | 3128 | 0 x Jackpot | Proximo Jackpot |
| 1331 | 5870 | 0 x Match 4+ | 220.000,- |
| 2675 | 3497 | 4 x Match 4 | |
| | | 102 x Afli. 12,00 | |
| X2 | FP | | 13-15-21-26-28 |
| | | Sorteo # 5920 | Proximo Jackpot |
| Sorteo # 3714 | Sorteo # 6814 | 0 x Jackpot | 51.000,- |
| 5197 | 7121 | 4 x Match 4 | |
| | | 80 x Afli. 8,00 | |
| Sorteo # 1770 | Sorteo # 1519 | | Mega Ball |
| 5706 | 7086 | Sorteo # | Proximo Jackpot |
| | | 0 x match 4 | 675.000,- |
| Sorteo # 3714 | Sorteo # 5573 | 0 x Afli. 500,00 | |
| 0085 | 2539 | 0 x Afli. 50,00 | |
| Leo | Scorpio | 0 x Afli. 15,00 | |
| | | | Afl. 950.000,- |
| Sorteo # 588 | Sorteo # 503 | | |
| 354 | 093 | Sorteo # | |
| | | | |
| X5 | X2 | | |

FOR ALL YOUR FLYER DISTRIBUTIONS



Call: 582-7800
email: accounting@cspnv.com

Aurora
Royal Pray
 Funeral Home & Crematory
 Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Lagrima y floran por seca, pero e recuerdonan y tur loke e la hasi y significa pa nos lo keda graba pa semper den nos mente y curason.
 "Serca Dios mi alma ta na pas,
 ta di dje mi salbacion ta bin"
 -Salmo 62:1

Cu inmenso dolor na nos curason, nos ta anuncia e fayecimiento di:



Maria Mercedes Wester
 Mihor conocí como Merci of Chichi
 17 February 1956 - † 13 October 2022

Na number di su:
 Mayor nan:
 † Jan Daniel Wester y Jacintha Wester-Bisliip

Yiu:
 Michelangelo y Alexandra Wester-Arends

Nieto(a) nan
 Otmar, Abigail y Ariana

Ruman nan:
 Rudolf Wester y familia- su concubina Sra Antonia Polonia.
 Elvira Y Medardo Thielman -Wester y familia
 Richard Y Aurora (Linda) Wester -Croes y familia
 Vivian Wester y familia
 Hubert y Sita Wester-Albertsz y familia
 Roland y Sheila Wester -Jacobus
 † Leo Wester (Mama di su Jui Luz-Mary Diaz-Krozendijk)

Subrino(a) nan:
 Carlos Wester y Carolina y familia.
 Robert Wester y Miquel Iglesias
 Ulrick Wester y Thixianne y familia
 Jason, Giovanni, Gerswin, Sherwin, Franklin, Dwight, Ion, Damian, Ruel, Jennifer, Naomie, Richinela, Maryleen.

Tanta y Omonan:
 Felicita Wester y familia
 † Napoleon y Violeta Wester-Dabian y familia
 Pedro Wester y familia
 † Marianita Dabian y familia
 † Augustin Bisliip
 Felicia sint-jago bisliip y juinan
 † Lucia bisliip
 † Victorina Robles de Medina bisliip y juinan
 Modesta y Antonio Tromp-bisliip y juinan
 † Ignacio y Rafaelita bisliip-kock y juinan

Tur primo y primanan, comer y compernan su hijanan, amigo y amiganan, conocirnan y bisinja nan.

Demás familia nan: Wester-Bisliip-Palonia-Thielman-Croes-Wever-Albertsz-Jacobus-Krozendijk-Yglesias-Arends-Schwengle-Perez-Kock-Aguilera -St Jago-Gesterkamp-Vrolijk-Iglesias-Robles de Medina-Arrindell-Tromp-Dabian-Harms-Geertruida-Martinez.

Acto di entiero lo tuma lugar: Diasabra 22 oktober 2022 di 9 or te ku 11 or di mainta na Misa Imaculada Concepcion y después saliendo pa Santana Católico na Santa Cruz.

Nos ta pidi nos disculpa si den nos tristeza nos por a lubida un of mas familia.

Después di entiero nos No ta ricibi bishita di condolencia na cas.

Aurora
Royal Pray
 Funeral Home & Crematory
 Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Laga tur loke ta spera mi ta bunita
 Laga tur locual cu mi encontra na caminda ta bunita
 Laga tur locual cu mi laga atras keda bunita y
 Laga esakinan termina den tur buniteza.
 Cado Wever.

Cu dolor na nos curason, nos ta participa fayecimiento di:



Frederik H. Patist
 *18-01-1942 - †17-10-2022

Acto di despedida lo wordo anuncia despues

Aurora
Royal Pray
 Funeral Home & Crematory

Laga tur loke ta spera mi ta bunita
 Laga tur locual cu mi encontra na caminda ta bunita
 Laga tur locual cu mi laga atras keda bunita y
 Laga esakinan termina den tur buniteza.
 Cado Wever.



Nos ta anuncia fayecimiento di

Maria Perez-Tromp
 Mihor concí como: "Madu", "Tanta Iya"
 *21-07-1930 - †18-10-2022

Acto di entiero lo wordo anuncia despues.

Aurora
Royal Pray
 Funeral Home & Crematory

"Señor ta mi wardador,
 mi'n tin falta di nada
 Den cunucu di yerba berde e ta ponemi sosega.
 E ta hibami na awa trankil,
 Pa mi bolbe haña forsa."
 Salmo: 23

Nos ta anuncia fayecimiento di:



George Brian Hassell
 *16-04-1993 - †15-10-2022

Acto di entiero lo wordo anuncia despues.



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610

F A V I

Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

**Fundacion Autismo
 Aruba**
 Irenestraat 21 Aruba
 297-588-1179

**Fundacion Pa Nos
 Muchanan**
 Cumana 2 Aruba
 297-583-4247

**Fundacion Tel Pa
 Hubentud**
 Wilhelminastraat 19
 Aruba
 297-588-6138
**Koningin Wilhelmina
 Fonds**
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999
Rode Kruis Aruba
 Pedro Gallegostraat 14
 Tel.297-582-2219
 Fax 588-3376

Famia Planea (SBVO)
 Avenida Milio J Croes 17
 B Aruba
 297-588-9591
 www.famiaplanae.org
 famiaplanae@hotmail.com

**Stichting Fundacion
 Guia Mi**
 George Madurostraat 34
 297-582-0088

Y M C A
 Calbasstraat 1 Aruba
 297-582-3072

AL-ANON group
 Sabana Liber #8, Noord
 (close to the hotels)
 Tel: 736-2952 or
 593-7081

Dokter na warda
Oranjestad San Nicolas
Hospital Imsan
 7:00 pm / 10:00 pm 24 ora

Botica na warda

Oranjestad: San Nicolas:
 Oduber San Lucas
 Tel. 582 1780 Tel. 584 5119

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107

Tip Line

11141
Brandweer 115
Ambulance 911
Hospital 527-4000
Imsan 524-8833
Warda Costa 913

Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444

Servicio di Taxi

**Aruba Transfer Tour &
 Taxi C.A.**
 Tel: 582 2116 /582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta nos refugio
Dios ta nos fortaleza
El a resulta un yudador den mester.
Salmo 46:1

Cu dolor na nos curason, pero conforme cu Dios su boluntad, nos ta anuncia fayecimento di mi esposo, nos Tata, Welo, Ruman, Omo, Primo, Swa, Comper y Amigo stima :



Denny Orlando Hernandez

Mihor conoci como Denn, Lando, Lanchi
* 21 July 1955 - † 9 Oktober 2022

Na number di su:

Esposa: Marcolina (Linchi) Hernandez

Yiunan:

Lindsay Hernandez

Densay Hernandez y Jess Wolff

Nieto y Nieta :

Rayshaun Werleman

Layla Hernandez

Mayor nan:

† Juan Leonardo Hernandez y † Carmen Hernandez - Geerman

Ruman nan:

Olivia (Lili) y † Rolando De Cuba - Hernandez

† Richard (Ricardo) Hernandez

Diana Hernandez

† Rudolf Hernandez

† Rubia y Daniel Carrillo - Hernandez

Manera un familia:

Epifanio (Fany) y Maria (Chime) Figaroa - Croes

Jacqueline (Jacky) y Thomas (Thom) Figaroa - Figaroa

Thamianne Figaroa Y Genrick Flanegien

Thiandrick Figaroa

Sobrino y sobrina nan:

Mariela De Cuba y yiunan

Eduardo y Samara Geerman - Holsman y yiunan

Maria Isabel (Iha) y Danilo Curiel - Geerman y yiunan

Marisol Carrillo y Anthony Dijkhoff y yiu

Marylou (Iha) y Emcil Vijsma - Carrillo y yiunan

Errol Carrillo y pareha Zarianni Larmonic

Swa y Cuña nan:

Bernadina (Baby) Boekhoudt

Adriana (Adi) Boekhoudt

† Aureliana (Aura) y Jacinto (Chin) Kelly - Boekhoudt y Famia

Filomena (Mena) Boekhoudt

Candelario (Candi) y Jacinta Boekhoudt - Petrocchi y Famia

† Marciano Boekhoudt

Gregorio (Goy) y † Lilian Boekhoudt - Curie y Famia

† Migdonio (Donnie) y Valerie Boekhoudt- Leest y Famia

† Carmen (Inchi) Boekhoudt

Mescos cu sobrina y sobrino:

Yarel Kelly y yiu nan

Jacilyn Boekhoudt y Jairzinho Theodora y yiu nan

Julisa Boekhoudt y Andrick Lue y yiu nan

† Kendrick Boekhoudt

Xavier y Jenifer Boekhoudt - Jansen y yiu

Xilienne y Aldrich Dijkhoff - Boekhoudt y yiu

Andry Boekhoudt

Saskia Dayenne Boekhoudt y yiu nan

Madrina y Padrino nan, Primo y prima nan, Comper y

Comer nan, amigo y amiga nan, ex colega nan di SVB,

bisiña y conocon nan . Mucho hopi pa mencion pero masha

aprecia.

Famia: Hernandez, Boekhoudt, Werleman, De Cuba,

Geerman, Carrillo, Libier, Tromp, Farro, Henriquez, Kelly,

Petrocchi, Leest, Curie, Holsman, Curiel, Vijsma, Sanchez,

Yarzaray, Wolff, Figaroa

y demas Famia cu ta mucho hopi pa menciona pero masha

aprecia

Ta invita pa e acto di condolencia y despedida cual lo tuma

lugar na Aurora Funeral Home diabierna 21 Oktober 2022

di 9or pa 11or di mainta. Y despues pa Santana Catolico na

Savaneta. Cremacion a tuma lugar na Colombia.

Famia ta desea pa asisti na color nan alegre.

Lo tin un box disponibel pa un donacion pa Grupo Scout

Orabao

Despues di entiero no por ricibi bishita di condolencia na

cas. Despensa si den nos tristesa nos por a lubida algun

famia.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Hopi bo a duna nos, hopi bo a nifica pa nos.
Diripente bo a bay for di nos, lo bo sigi biba den nos curason.

Tristo pero conforme cu boluntad di Dios y cu tur loke e la nifica pa nos, nos ta participa fayecimento di mi casa, mi mama, nos wela, nos ruman,



Isaura del Socorro Krozendijk - Sardá

Miho conoci como Cachi of Nana
* 7 augustus 1952 - † 15 oktober 2022

Su mayornan: † Antonio y † Ana Maria Sardá - Cobo

Su casa: Andresito Krozendijk

Su yiunan: Isandra Krozendijk

† Andres Krozendijk

Su nietonan: Andrew y Cayden Krozendijk

Su rumannan: † Enrique Sardá

† Eudosia Richardson - Sardá

Lourdes Sardá

Manera ruman: Alba Luz Ortiz

Su sobrinonan:

Lysette do Rego y famia na Hulanda

Nehomar Richardson

Gerald Sardá y yiunan

Seever Krozendijk - Dietwin Krozendijk - Albee

Fernandes - Eliza Fernandes - Reuben Krozendijk

- Tanhee Krozendijk - Kevin v/d Berg - Willy

Dirks y nan famia

Su swa- y cuñanan: vdo. Willy Richardson - vda.

Filomena y † Frans Croes - † Boei y vda. Ulrica

Krozendijk - Shon Pe y Glenda Krozendijk

- † Glenda Krozendijk y vdo. Jose Fernandes

- † Edwin Krozendijk - † Ruben y vda. Marlin

Krozendijk - Mirto Krozendijk - Hildreth y Rene

v/d Berg y nan famia

Su bon bisiña- y amigonan di cas: Mai Wester

y Jasmine Lampe - Sharla Koolman - Nicolina

Wernet - Humphrey Wernet - Franklin Sophia -

Mirta Peterson - Nohely Sanchez - Jane Geerman

- Elsida Bronswinkel - Gino Paesch - Ryan van

der Biezen y nan famia

Su ex-coleganan di Aruba Trading Company

Su ihanan, primo y primanan, comper- y

comernan, amistad- y conoconnan y demas famia

na Colombia y Republica Dominicana.

Y demas famia: Sardá - Cobo - Zambrano -

Rivadeneira - Steenen - Hernandez - Ortiz -

Velasquez - Cuello - Krozendijk - Bikker - Kock

- Maduro - Croes - Koolman - Fernandes.

Ta invita pa asisti na acto di condolencia y

ceremonia di despedida cu lo tuma lugar diamars

25 di oktober 2022 for di 2'or pa 4'or di atardi na

Misa Birgen di Fatima na Dakota. Entiero lo tuma

lugar na Santana Pastoor De Vries na Santa Cruz.

Nos ta pidi disculpa si den nos tristesa nos a lubida

di menciona number di un of mas famia.

Trahe: Alegre.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita

Laga tur locual cu mi laga atras keda bunita y

Laga esakinan termina den tur buniteza.

Cado Wever.

Cu dolor na nos curason, nos ta participa

fayecimento di:



Jan Vroegindeweij

* 11-05-1942 - † 12-10-2022

Na number di su:

Mama: † Leentje Vroegindeweij

Tata: † Cor Vroegindeweij

Yiunan:

Corma Toppenberg y † Ety Toppenberg

Jeannette Ramirez y Juan Fernando Ramirez

Nieta: Shannah Vroegindeweij

Bisanieta: Jamiloh

Mama di su yiunan: Paula de Jong

Rumannan:

Christien Riemens y famia na Hulanda

Tonni Breure y famia na Hulanda

Thea Tielman y famia na Hulanda

Willen Vroegindeweij y famia na Hulanda

Primo(a)nan na Hulanda

Bon amigo na Hulanda: Ron Viskil y famia

Bon amigo na Miami: Jerry Francis

Manera yiu: Robby Colastica

Demas famia: Toppenberg, Ramirez, Welleman,

Tanis y Knops

Caretakers: Oneil Romero, Marlon Thode,

Yvonne Peterson, Irene Jacobs, Francis Escalona,

Irlene Croes-Jansen. Faith & Hope

Specialista: Dr. Petronilia, Dr. Cheng, Dr. Waterloo

Staff y personal di Mipa

Despensa nos si den nos tristesa nos por a lubida

un of otro persona

Acto di condolencia lo tuma lugar Diaranson 19

di Oktober 2022, di 7:00PM - 9:00PM na Aurora

Funeral Home.

Acto di despedida lo tuma lugar Diahuebs 20 di

Oktober 2022 di 9:00 am pa 11:00 am na Aurora

Funeral Home. Cremashon lo tuma lugar den

seno familiar.

Nos ta lamenta cu despues di despedida nos no ta

ricibi bishita di condolencia na cas.

“Dios ta amor... y amor ta Dios,
maske mi no ta na e mundo aki, tur dia lo mi
ta banda di boso Curazon, mi por stens di
loke Señor ta hasi”
Salmo 33

Cu honda pena pero conforme cu boluntad
di Dios, nos tanancia fayecimento di



Maxima Arendsz Croes

Viuda di Adriaan J. Arendsz

Na number di:
Yiunan : Rose Mary & Theodoor de Jongh-
Arendsz
Adriaan (Junior) J. Arendsz
†Aldric (Dicky) R. & Liesbeth Arendsz-de
Kort

Nieto & Nietanan : Zyndraina de Jongh
Theodoor de Jongh
Genevieve & Edzul Robles
Chantal Arendsz
Alyssa Arendsz & Ruelle Biesum
Karessa Arendsz & Anuar Odor
Hailey Arendsz

Bisnietonan: Elias Robles
Lukas Robles
Zhyxion de Jongh

Rumanan: Berta & Carlos Croes
† Everaldo & † Sofia Croes
Luisa & † Erwin Henriquez
Casilda & Rembert Arendsz



Swa & Cuñanan: †Chita & †Edwin de Cuba
†Milda & †John (Jenny) H. Wever
†Max & †Lilian Arendsz
Rembert & Casilda Arendsz
Enny Arendsz
Norman & †Mena Arendsz
†Roland Arendsz
Clyde & Annie Arendsz
†Robertina (Tintina) Laclé

Ayudantenan: Jeta, Rena, Gladys, Yessica

Service Clubs: Quota Club of Aruba,
Womens Club of Aruba, Lioness Aruba
Lions Club
Fundacion Betico Croes
Joany Luydens
Ronald Carrillo

Famia: Croes, Arendsz, de Jongh, de Kort,
Robles, Henriquez, de Cuba, Wever,
Luydens, Sint Jago, Dubero, sobrino y
sobrinanan, primo & primanan,
comer y compernan, ihanan, bisñanan,
conocirnan y demas famia.

Lo tin oportunidad pa condoleer Diaranzon
19 di october 2022 di 7'or pa 9'or na Cumana
85.

Acto di entierio lo tuma lugar Diahuebs 20 di
october 2022 di 1'or pa 3:30 pm. na Misa

Inmaculada Concepcion, Santa Cruz, sigui
pa un response y despues pa Santana Pastoor
de Vries na Santa Cruz. Nos ta lamenta
si den nos tristeza nos por a lubida algun
familiar.

Despues di entierio no ta ricibi bishita di
condolencia na cas.

Señor ta mi wardador,
mi'n tin falta di nada
Den cunucu di yerba
berde e ta ponemi sosega.
E ta hibami na awa
trankil,
Pa mi bolbe haña forsa”.
Salmo: 23



Cu inmenso dolor
pero agradecido pa
loke e la significa pa
nos, nos ta anuncia fayecimento di nos
tata,welo,bisawelo, suegro, ruman,omo,swa
y amigo:

Sr. Obdulio Leoncio Geerman.

Mihor conoci como “Doeci”, Papa, Mo Doeci.
*12-09-1936 – † 12-10-2022
Ex-hungado di Estrella Futbol Club, ex-hungando
di Technico's Biljart Team.
Viudo di: † Lucia ‘Chia’ Geerman-Koolman.

Na number di su:

Yuinan:
Gloria y Valeriano Koolman-Geerman
Minerva Geerman y Olivio Florencio
Janina y Luis Gimenez-M. -Geerman
Nietonan y nietanan: Orvin Koolman, Norwin
Koolman, Xylia Koolman, Leonell Koolman,
Lionel y Shardey Koolman-Croes, Eileen Koolman
y Eduard Thiel, Geoffrey Koolman, Carlin Dirksz,
Jayden Dirksz, Jaina Mateo- Florentino.
Bisnietonan: Jeonell Koolman, Lyon, Ly-ann,
Linzi Koolman, Everlyn, Everd Thiel.
Mama: † Nicolasa Geerman-Angela. Tata: †
Aloisio Geerman.

Rumannan: † Lucas y † Johana Geerman y famia
† Carnacion Geerman y famia
† Felis y † Magdalena Geerman y famia
† Jose Maria y Olga Geerman y famia
† Josefina y † Jacinto Werleman-Geerman y famia
Efrain Geerman y Bertha Caraballo y famia
Aida y Tito Tromp-Geerman y famia
Angela Geerman y Freddy Hernandez y famia
Lamberto Werleman
Irene y † Orlando Kock-Werleman y famia
† Harold Werleman
Magaly Brito y Ramon Guerero y famia



Swa y Cuñanan: † Ruperta y † Estafanus Maduro-
Koolman y famia
† Clarita y † Rafael Thiel-Koolman y famia
† Luisa y Pablo Werleman-Koolman y famia
† Martha y † Johannes Angela-Koolman y famia
† Maria y † Haime Jarzagaray-Koolman y famia
Juan y Eloiza Koolman y famia
† Romana y † Feliz Kock-Koolman y famia

Famia: Theodoor y † Ana Koolman-Kock y famia.

Bon amigonan di cas: Imelda Steward y famia,
Ligia y Romulo Geerman, † Gilbert Geerman,
Iky Donata y famia , Geraldine Krozendijk, Will
Ocando Arias y famia.

Ihanan: Joana Dirksz-Angela y famia, David Angel
y famia, Mariela Kelly-Kock y famia.

Tur su sobrina y sobrinonan, primo y primanan,
comer y compernan, conocinan, bisñanan,
amistadnan y demas famia na Hulanda, Canada,
Chile, Venezuela y Mexico. Su ex- ayudante
na cas Mervis y su ayudantenan di Tehuis Zorg
met Liefde, Ex-coleganan di Luchthavendienst,
Aeropuerto Reina Beatrix, su amistadnan di
Futbol, Biljart y Domino.

Demas Famia: Geerman,Koolman,Dirksz, Thiel,
Mateo-Florentino, Gimenez, Angela, Maduro,
Lampe, Werleman,Tromp,Kock,Brito,Simon,Aren
ds,Giron,Adames,Camacho.

Dispensa nos si den nos tristeza nos por a lubida
algun miembro di famia.

Acto di despedida lo tuma lugar: Diabierna 21
oktober 2022 for di 02:00 pa 04:00 di atardi na
Aurora Funeral Home. Despues lo Sali pa Santana
Catolico na Santa Cruz.

Nos ta lamenta cu despues di entierio nos no ta
ricibi bishita di Condolencia na cas.

Ministerio di Enseñansa y Deporte tin e tristo
deber di anuncia fayecimento:



Maxima Arendsz 'tia Chima'

*15 april 1933 - † 16 october 2022

Na bida tanta stima di Minister Endy Croes

Condolencia y forsa na henter famia, Rose Mary de Jongh-Arendsz y famia,
Zyndraina de Jongh, Theodoor de Jongh,
Junior Arendsz y yiunan, Genevieve & Edzul Robles, Chantal Arendsz,
Liesbeth Arendsz-de Kort y famia, Alyssa Arendsz & Ruelle Biesum,
Karessa Arendsz & Anuar Odor, Hailey Arendsz

Cu tia Chima drumi dushi den brasa di Señor

Endy Croes

Minister di Enseñansa y Deporte
Endy Croes



Enfrentando eleccionnan dificil, Biden ta libera petroleo for di reserva Mericano



(AP) — Prijs halto pa gasolin ta e problema cu presidente Mericano, Joe Biden ta keda purba di soluciona – y casi un año di esfuerso extraordinario a haci tiki pa reduci e costo significamente.

Cu e ultimo accion di Biden ayera pa libera 15 miyon bari for di reserva strategico Mericano y considera saca mas e winter aki, e ta bisando e votadornan frustra prome cu eleccionnan intermedio cu Cas Blanco no a rindi.

El a rechasa e nocion cu po-

litica a hunga un rol den su accion mas recien. Pero e asunto tin implicacionnan politico cla mientras e tasa di aprobacion di e presidente a move inversamente cu cambio di prijs di gasolin, cu ta keda halto a pesar di a baha desde un peak na juni.

Biden consistentemente a bisa cu prijs halto ta culpa di invasion Ruso na Ucrania na comienso di año. Cualkier reduccion den prijs di gasolin – sin importa e magnitud – e presidente ta atribui na su politicanan. Biden a nenga cu su movida mas recien tin di

haci cu e proximo eleccion, maske a bisa AP den un entrevista anteriormente e año aki cu su tasa di aprobacion ta parce di move den direccion opuesto na prijs di gasolin.

E pregunta ta keda si e anuncio ta haci un diferencia cu votadornan den eleccion pa Senado y Congreso na november cu por keda dicidi pa margennan minimo.

E retironan ta manda e reserva strategico di e nacion na su nivel mas abao desde 1984 den loke e administracion a yama un “brug” te cu por aumenta produccion domestico. Awo e reserva ta contene alrededor di 400 miyon bari di azeta, un nivel cu oponentenan ta bisa tin mas di haci cu intentonan di Biden pa yuda su coleganan Democra enbes di impulsa mas produccion di petroleo na Merca.

Biden a bisa cu gobierno Mericano ta bay restock e reserva strategico ora prijs di petroleo ta menos cu \$67-\$72 pa bari, cual oficialnan di e administracion a bisa ta bay sostene produccion domestico door di garantisa un nivel base di demanda.

Putin ta activa ley marcial den regionnan Ucrainiano

(AP) — Presidente Ruso, Vladimir Putin a reforsa ayera su resolucion pa invadi Ucrania cu declaracion di ley marcial den e cuatro regionnan anexa, y a cuminsa preparacionnan na Rusia pa restriccion y accionnan nobo.

E ley marcial ta expone e intentonan di e Kremlin pa muestra bida den e regionnan anexo como bayendo back na normalidad. Realidad ta cu un administracion militar a reemplasa lidernan civil den e ciudad di Kherson y un evacuacion masivo for di e ciudad ta andando mientras contraofensa Ucrainiano ta continua.

Anunciando e ley marcial na vigor for di awe, Putin a bisa su Consejo di Seguridad: “Nos ta trahando pa resolve tareanan hopi dificil a gran escala pa sigura seguridad di Rusia y un futuro sigur.”



E declaracion di ley marcial di Putin a autorisa e creacion di forsan di defensa civil; e potencial imposicion di toque de queda; restriccionnan riba biahe y reunionnan publico; mayor censura; y podernan mas amplio pa agencianan di cumplimiento di ley – manera polis – na Kherson y Donetsk, Luhansk y Zaporizhzhia.

Putin a habri porta pa ex-

tende e medidanan restrictivo na Rusia tambe. Esey por conduci na accionnan mas pisa riba disidencia cu e actual dispersacion di protestanan anti-guerra y detencion di hende cu ta duna declaracion of informacion tocante e guerra cu ta bay contra e version oficial.

E severidad di e restriccionnan den Rusia ta depende riba cercania cu Ucrania.



Nort Korea ta lansa mas proyectil den buffer zone inter-Koreano riba lama

(AP) — Nort Korea a lansa alrededor di 100 proyectil mas den lama ayera como respuesta na e ehercicionan di tiramento di Sur Korea den areanan fronteriso, mientras e rivalnan ta acusa otro di escala tensionnan riba peninsula Koreano cu test di arma.

E ehercicionan ehecuta pa ambos banda ta yega memey di animosidad eleva tocante testnan di misil recien di Nort Korea cu e ta yama “atakenan nuclear simula” riba obhectivonan Sur Koreano y Mericano.

Ehercito Sur Koreano a detecta e proyectilnan lansa for di un pueblo na costa Nort Koreano, segun e Joint Chiefs of Staff a bisa den un declaracion. Diamars anochi, Nort Korea a lansa como 100 proyectil for di su costa west y como 150 for di su costa oost, nan a bisa anteriormente.

Nort Korea tambe a lansa centenares di proyectil na e buffer zone diabierna den su violacion directo mas signifitante di e acuerdo di 2018.

Minister di Defensa Sur Koreano a bisa cu a tene ehercicionan di artilleria na areanan di frontera terrestre como parti di su ehercicionan militar anual, pero a bisa cu e ehercicionan no a viola e acuerdo di 2018 pasobra su proyectilnan no a cay den e buffer zone.

A pesar cu no tabatin reporte di violencia entre e dos Korea, animosidad por persisti ya cu Nort Korea probablemente ta bay reaccion na e ehercicionan anual Hoguk di Sur Korea cu ta andando, cu su propio test di arma. Oficialnan di Sur Korea a bisa cu e Hoguk tin meta di mehora preparacion militar contra menasanan nuclear y di misil di Nort Korea y ta involucra un cantidad no especifica di trupa Mericano.

Nort Korea ta mira training regular di Sur Korea cu Merca como training pa invasion. A bisa cu su testnan misil recien tabatin meta pa duna un advertencia riba ehercicionan anterior di Sur Korea y Merca involucrando aeronave Mericano.

Vocero di ministerio di Relacionnan Exterior Chines, Wang Wenbin a bisa ayera cu Beijing ta spera cu tur pais relevante lo purba di busca un resolucion politico pa alivia tension den Peninsula Koreano.